

নং-৪৪.০০.০০০০.০৭৭.৩৯.০০১.১৫-৩২০

তারিখ: ১০.০৭.২০২৫ খ্রি:

‘আগ্নেয়াস্ত্রের লাইসেন্স প্রদান, নবায়ন ও ব্যবহার নীতিমালা, ২০২৫’

১. ভূমিকা :

আগ্নেয়াস্ত্র ও গোলাবারুদ সংক্রান্ত সকল বিষয় যেমন লাইসেন্স প্রদান, ক্রয়, বিক্রয়, সংগ্রহ, আমদানি, পরিবহন, সংরক্ষণ, হস্তান্তর, ব্যবহার প্রভৃতি অস্ত্র আইন ১৮৭৮ এবং আগ্নেয়াস্ত্র বিধিমালা, ১৯২৪ এবং স্বরাষ্ট্র মন্ত্রণালয় হতে বিভিন্ন সময়ে জারীকৃত ও হালপর্যন্ত বহালকৃত পরিপত্র/অফিস আদেশ/প্রজ্ঞাপন/নীতিমালা মোতাবেক পরিচালিত হয়। এ সকল আইন ও বিধিমালার আলোকে আগ্নেয়াস্ত্র গ্রহণ, ক্রয়, বিক্রয়, সংগ্রহ, আমদানি, পরিবহন, সংরক্ষণ, হস্তান্তর, ব্যবহার ইত্যাদি বিষয়সমূহ অধিকতর স্পষ্টীকরণ ও সহজীকরণের নিমিত্ত এ নীতিমালা জারি করা হলো।

- (ক) এ নীতিমালা ব্যক্তি, আর্থিক প্রতিষ্ঠান এবং অন্যান্য প্রতিষ্ঠানসমূহের অনুকূলে “অনিষিদ্ধ বোর” আগ্নেয়াস্ত্রের লাইসেন্স প্রদানের ক্ষেত্রে প্রযোজ্য হবে।
- (খ) এ সংক্রান্ত ০৩.০৮.২০১৬ তারিখের ৮২৬ সংখ্যক স্মারকে জারিকৃত নীতিমালা এবং ১৮.১২.২০১৬ তারিখের ১৫৬০ সংখ্যক স্মারকে জারিকৃত সংশোধন বাতিল বলে গণ্য হবে। তাছাড়া পূর্বে জারীকৃত এ সংক্রান্ত অন্যান্য নির্বাহী আদেশ বা নির্দেশাবলীর উপরে বর্তমানে জারীকৃত নীতিমালা প্রাধান্য পাবে এবং এ নীতিমালা অবিলম্বে কার্যকর হবে।
- (গ) ব্যক্তি পর্যায়ে আগ্নেয়াস্ত্রের লাইসেন্স প্রদান সাধারণভাবে নিরুৎসাহিত করা হবে। লাইসেন্স প্রাপ্তির সাধারণ যোগ্যতা কোন ব্যক্তির লাইসেন্স প্রাপ্তির প্রধান নিয়ামক হিসেবে বিবেচিত হবে না। কোন ব্যক্তির নিরাপত্তার জন্য ব্যক্তিগত আগ্নেয়াস্ত্র রাখা প্রয়োজন অন্যথায় তার নিরাপত্তা বিঘ্নিত হতে পারে। এ বিষয়ে সন্দিগ্ধ হলেই কেবলমাত্র তাকে আগ্নেয়াস্ত্রের লাইসেন্স প্রদানের বিষয়টি বিবেচনা করা হবে।
- (ঘ) সরকার প্রয়োজনে এই নীতিমালা যে কোন সময় পরিবর্তন/পরিবর্ধন/পরিমার্জন বা বাতিল করতে পারবে।

২. সংজ্ঞা :

- (ক) আগ্নেয়াস্ত্র : এই নীতিমালায় আগ্নেয়াস্ত্র বলতে বুঝাবে ব্যারেল সম্বলিত বহনযোগ্য বন্দুক যা বিস্ফোরণের মাধ্যমে এক বা একাধিক গুলি নিক্ষেপ করতে পারে (A firearm is a portable gun, being a barreled weapon that launches one or more projectiles often driven by the action of an explosive force);
- (খ) অনিষিদ্ধ বোর আগ্নেয়াস্ত্র (Non Prohibited Bore-NPB) বলতে পরিশিষ্ট ১ এ বর্ণিত আগ্নেয়াস্ত্র ব্যতীত সাধারণ বা আধা স্বয়ংক্রিয় এমন অস্ত্রসমূহ বুঝাবে;
- (গ) ব্যক্তি : ব্যক্তি বলতে বাংলাদেশের যে কোনো নাগরিক বা দ্বৈত নাগরিককে বুঝাবে যিনি মানসিক ও শারীরিকভাবে সক্ষম;
- (ঘ) আর্থিক প্রতিষ্ঠান : আর্থিক প্রতিষ্ঠান বলতে বাংলাদেশের সকল ব্যাংক, বীমা ও বৈধ অর্থলগ্নীকারী প্রতিষ্ঠানকে বুঝাবে;

- (ঙ) প্রতিষ্ঠান : যে কোনো সরকারি বা স্বায়ত্তশাসিত প্রতিষ্ঠান এবং ন্যূনতম পরিশোধিত মূলধনের পরিমাণ ১০(দশ) কোটি টাকা এমন যে কোন বেসরকারি প্রতিষ্ঠানকে বুঝাবে, তবে বেসরকারি নিরাপত্তা সেবা আইন ২০০৬ অনুসারে পরিচালিত বেসরকারি নিরাপত্তা সংস্থা অন্তর্ভুক্ত হবে না;
- (চ) ডিলার : ডিলার বলতে বুঝাবে লাইসেন্স প্রাপ্ত ব্যক্তি/প্রতিষ্ঠান যারা এনপিবি পিস্তল/রিভলবার/শটগান/রাইফেল এবং এ সকল অস্ত্রের গোলাবারুদ ও খুচরা যন্ত্রাংশ আমদানি, ক্রয়-বিক্রয় এবং মেরামত কার্যে নিয়োজিত রয়েছে;
- (ছ) সেফ কিপিং : সেফ কিপিং বলতে লাইসেন্স প্রাপ্ত অথবা সরকারের অনুমোদন প্রাপ্ত আগ্নেয়াস্ত্র ও গোলাবারুদ আইন/বিধি অনুযায়ী নিরাপদ রাখার জন্য নির্ধারিত স্থানের অধিকারী প্রতিষ্ঠানকে বুঝাবে;
- (জ) দ্বৈত নাগরিকত্ব : দ্বৈত নাগরিকত্ব বলতে ২৩ সেপ্টেম্বর, ২০০৮ মূলে জারীকৃত SRO নং ২৭০-আইন/২০০৮ এর নির্দেশনার আওতায় বর্ণিত নাগরিকগণকে বুঝাবে;
- (ঝ) ওয়ারিশ : ওয়ারিশ বলতে আইনগত স্ত্রী/ স্বামী, পুত্র ও কন্যাকে বুঝাবে;
- (ঞ) গার্ড : গার্ড বলতে আর্থিক বা অন্য যে কোনো প্রতিষ্ঠান কর্তৃক সংশ্লিষ্ট প্রতিষ্ঠানের নিরাপত্তার জন্য নিয়োজিত প্রশিক্ষণ প্রাপ্ত ব্যক্তি বা ব্যক্তিবর্গকে বুঝাবে;

ব্যক্তি পর্যায়ে আগ্নেয়াস্ত্রের লাইসেন্স প্রদান

৩. সাধারণ যোগ্যতা :

- (ক) আগ্নেয়াস্ত্রের লাইসেন্স প্রাপ্তির জন্য আবেদনকারীকে বাংলাদেশের নাগরিক হতে হবে।
- (খ) শারীরিক ও মানসিকভাবে সমর্থ ৩০ থেকে ৭০ বছর বয়সের কোন উপযুক্ত/যোগ্য ব্যক্তিকে তার আবেদনের পরিপ্রেক্ষিতে আগ্নেয়াস্ত্রের লাইসেন্স দেয়া যাবে।
- (গ) আবেদনকারীকে 'ব্যক্তি শ্রেণির' আয়করদাতা হতে হবে।
- (ঘ) আবেদনকারী কর্তৃক আবেদনের পূর্ববর্তী ০৩ (তিন) বর্ষের ধারাবাহিকভাবে পিস্তল/রিভলবার/রাইফেল এর ক্ষেত্রে ন্যূনতম ০৫ (পাঁচ) লক্ষ টাকা এবং শটগান এর ক্ষেত্রে ন্যূনতম ০২ (দুই) লক্ষ টাকা আয়কর দিতে হবে। আবেদনকারী কর্তৃক পরিশোধিত আয়করের পরিমাণ উল্লেখসহ এনবিআর কর্তৃক ইস্যুকৃত প্রত্যয়নপত্র আবেদনের সাথে দাখিল করতে হবে।
- (ঙ) প্রবাসী বাংলাদেশী/বাংলাদেশী দ্বৈত নাগরিকের ক্ষেত্রে আগ্নেয়াস্ত্র লাইসেন্সের জন্য আবেদনের যোগ্যতা হিসেবে ধারাবাহিকভাবে সর্বশেষ ৩ বছরে প্রতিবছর ন্যূনতম ১২,০০,০০০/- (বার লক্ষ) টাকা হারে রেমিটেন্স এবং বিদেশে আয়কর প্রদানের প্রমাণপত্র থাকতে হবে। রেমিটেন্সকৃত অর্থ শুধু যে সকল সরকারি বা বেসরকারি ব্যাংক এর মাধ্যমে প্রেরণ করা হয়েছে ঐ সকল ব্যাংকের প্রত্যয়নপত্র দাখিল করতে হবে।

৪. সর্বোচ্চ লাইসেন্স ও আগ্নেয়াস্ত্রের সংখ্যা :

- (ক) উপযুক্ত ব্যক্তির আবেদনের পরিপ্রেক্ষিতে জারীকৃত এ নীতিমালার বিধি নিষেধ সাপেক্ষে সর্বোচ্চ একটি এনপিবি পিস্তল/রিভলবার এবং একটি শটগান/এনপিবি রাইফেল অস্ত্রের লাইসেন্স দেয়া যাবে। অর্থাৎ একজন যোগ্য ব্যক্তিকে দুইটির অধিক অস্ত্রের লাইসেন্স দেয়া যাবে না। আবেদনকারীর আগ্নেয়াস্ত্র সংক্রান্ত তথ্য সরকার কর্তৃক নির্ধারিত মূল্যের নন-জুডিশিয়াল স্ট্যাম্পে ঘোষণাপত্র প্রদান করতে হবে (পরিশিষ্ট-২)।
- (খ) তবে যাদের ইতোমধ্যে দুই এর অধিক আগ্নেয়াস্ত্রের লাইসেন্স রয়েছে তা বহাল থাকবে। দুই এর অধিক কোন আগ্নেয়াস্ত্র থেকে বিক্রি/হস্তান্তর/হারানোর মাধ্যমে আগ্নেয়াস্ত্র হস্তচ্যুত হলে তার পরিবর্তে নতুন কোন লাইসেন্স প্রাপ্ত হবেন না।







- (গ) নিবন্ধিত শ্যুটারদের ক্ষেত্রে বাংলাদেশ শ্যুটিং স্পোর্টস ফেডারেশনের সুপারিশের ভিত্তিতে সংশ্লিষ্ট শ্যুটারকে ০৩ (তিন) টি সর্বোচ্চ অস্ত্রের লাইসেন্স দেয়া যাবে।

৫. অযোগ্যতা :

- (ক) কোন ব্যক্তি যদি কোন ফৌজদারি মামলার চার্জশীটভুক্ত আসামী হিসেবে থাকেন তাহলে ঐ ব্যক্তি আগ্নেয়াস্ত্র লাইসেন্স প্রাপ্তির যোগ্যতা অর্জন করবেন না।
- (খ) কোন ব্যক্তি ফৌজদারি আদালত কর্তৃক চূড়ান্তভাবে সাজা বা দণ্ড প্রাপ্ত হলে দণ্ড সমাপ্তির ৫ (পাঁচ) বছরের মধ্যে আগ্নেয়াস্ত্রের লাইসেন্স প্রাপ্তির যোগ্যতা অর্জন করবেন না।

৬. আবেদনের স্থান :

আবেদনকারীকে অবশ্যই স্থায়ী ঠিকানার জেলা ম্যাজিস্ট্রেট বরাবর নির্ধারিত ছক (পরিশিষ্ট-৩) এ আবেদন করতে হবে। সামরিক বাহিনীর সদস্যগণকে The Bengal Arms Act Manual 1924 এর ২ নং চ্যাপ্টারের ৪০ নং অনুচ্ছেদের বিধান মোতাবেক স্থায়ী নিবাসের জেলা ম্যাজিস্ট্রেট বরাবর আবেদন করতে হবে। সরকারি কর্মকর্তা/কর্মচারীগণ যথাযথ কর্তৃপক্ষের সুপারিশসহ কর্মরত এলাকার/স্থায়ী নিবাসের জেলা ম্যাজিস্ট্রেট বরাবরে আবেদন করতে পারবেন। অবসরপ্রাপ্ত সামরিক/বেসামরিক সরকারি কর্মকর্তা/কর্মচারীগণ যথাযথ কর্তৃপক্ষের প্রত্যয়নসহ স্থায়ী নিবাসের জেলা ম্যাজিস্ট্রেট বরাবরে আবেদন করতে পারবেন।

৭. কার্যক্রম :

- (ক) আবেদনকারী নির্ধারিত ফরমে আগ্নেয়াস্ত্র লাইসেন্সের জন্য জেলা ম্যাজিস্ট্রেট বরাবর আবেদন দাখিলের পর জেলা ম্যাজিস্ট্রেট নির্ধারিত ফরমে (পরিশিষ্ট-৪) পুলিশের মাধ্যমে আবেদনকারীর প্রাক-পরিচয় যাচাই করবেন।
- (খ) জেলা ম্যাজিস্ট্রেট আবেদনকারীর সাক্ষাৎকার গ্রহণ করবেন এবং আবেদনকারীর শারীরিক ও মানসিক সামর্থ্য, আবেদনকৃত অস্ত্র এবং এর রক্ষণাবেক্ষণ সম্পর্কে তার জ্ঞান ও অস্ত্রের প্রয়োজনীয়তা বিষয়ে নিশ্চিত হয়ে নির্ধারিত ফরমে (পরিশিষ্ট-৫) মন্তব্য লিপিবদ্ধ করবেন।

৮. ইস্যুকারী কর্তৃপক্ষ :

- (ক) সকল আগ্নেয়াস্ত্রের লাইসেন্স প্রদানের জন্য সংশ্লিষ্ট বিধিবিধান অনুসরণ সাপেক্ষে জেলা ম্যাজিস্ট্রেট ক্ষমতাবান থাকবেন। জেলা ম্যাজিস্ট্রেটের কার্যালয়ের আগ্নেয়াস্ত্র শাখায় উক্ত জেলার ইস্যুকৃত সকল আগ্নেয়াস্ত্রের রেকর্ড সংরক্ষিত হবে।
- (খ) শটগান/এনপিবি রাইফেল লাইসেন্সের ক্ষেত্রে আবেদনকারীর অস্ত্রের লাইসেন্স প্রাপ্তির বিষয়টি যাচাই বাছাইপূর্বক সংশ্লিষ্ট জেলা ম্যাজিস্ট্রেট এর নিকট যোগ্য বিবেচিত হলে জেলা ম্যাজিস্ট্রেট লাইসেন্স ইস্যু করার নির্দেশ দিবেন।
- (গ) পিস্তল/রিভলবার এর ক্ষেত্রে আবেদনকারীর অস্ত্রের লাইসেন্স প্রাপ্তির যোগ্যতা যাচাই-বাছাইপূর্বক সংশ্লিষ্ট জেলা ম্যাজিস্ট্রেট এর নিকট যোগ্য বিবেচিত হলে সুপারিশ সহকারে প্রস্তাবটি স্বরাষ্ট্র মন্ত্রণালয়ে প্রেরণ করবেন। স্বরাষ্ট্র মন্ত্রণালয় কর্তৃক অনাপত্তি জ্ঞাপন করা হলে জেলা ম্যাজিস্ট্রেট লাইসেন্স ইস্যু করবেন। কোন আবেদনকারী নীতিমালায় নির্ধারিত যোগ্যতা সম্পূর্ণরূপে অর্জন না করলে তার আবেদন তিনি মন্ত্রণালয়ে প্রেরণ করতে পারবেন না। এরূপ কোন আবেদন স্বরাষ্ট্র মন্ত্রণালয়ে প্রাপ্তির পর ০২ (দুই) বছরের মধ্যে কোন কার্যক্রম গ্রহণ করা না হলে তা নথিভুক্ত হয়েছে মর্মে বিবেচিত হবে।

৪২

৫২

৫২

৫২

ব্যাংক বা আর্থিক প্রতিষ্ঠান পর্যায়ে আগ্নেয়াস্ত্রের লাইসেন্স প্রদান

৯. আর্থিক প্রতিষ্ঠান বা ব্যাংক কর্তৃপক্ষের আবেদনের ভিত্তিতে শুধুমাত্র শটগান/এনপিবি রাইফেল আগ্নেয়াস্ত্রের লাইসেন্স ঐ প্রতিষ্ঠানের অনুকূলে দেয়া যাবে।

১০. ব্যাংক শাখা বা আর্থিক প্রতিষ্ঠানের শ্রেণি ও আগ্নেয়াস্ত্রের সীমা :

(ক) ব্যাংক শাখা বা আর্থিক প্রতিষ্ঠানে নগদ সংরক্ষণের সিন্দুক সীমা অনুযায়ী শাখাসমূহকে নিম্নবর্ণিত তিনভাগে ভাগ করা হলো। সিন্দুকসীমা অনুযায়ী আবেদনকারী প্রতিষ্ঠান কোন শ্রেণির হবে সে বিষয়ে সংশ্লিষ্ট প্রতিষ্ঠানের প্রধান কার্যালয় নিশ্চিতপূর্বক কতটি আগ্নেয়াস্ত্রের প্রয়োজন তা উল্লেখ করে প্রত্যয়নপত্র প্রদান করবে। আবেদনপত্রের সাথে উক্ত প্রত্যয়নপত্র দাখিল করতে হবে।

শ্রেণি	সিন্দুক সীমা	.১২ বোর বন্দুক/ শটগানের প্রাপ্যতা	গোলা বারুদের প্রাপ্যতা
সি	সর্বোচ্চ ১ কোটি টাকা	০২টি	সর্বোচ্চ ১০০টি (প্রতিটি আগ্নেয়াস্ত্রের জন্য)
বি	১ কোটি টাকার উর্ধ্বে কিন্তু ৫ কোটি টাকার নিম্নে	০৩টি	ঐ
এ	৫ কোটি টাকার উর্ধ্বে	০৪টি	ঐ

(খ) অনুচ্ছেদ ১০ (ক) এ বর্ণিত আগ্নেয়াস্ত্রের লাইসেন্সের অতিরিক্ত হিসেবে ব্যাংক/আর্থিক প্রতিষ্ঠানকে নিজস্ব অর্থ পরিবহণের নিমিত্ত নিয়োজিত প্রত্যেকটি গাড়ির জন্য সর্বোচ্চ দুইটি করে আগ্নেয়াস্ত্রের লাইসেন্স প্রদান করা যাবে। লাইসেন্সের আবেদনের সাথে আগ্নেয়াস্ত্র ব্যবহারকারী গার্ড নিয়োগ সংক্রান্ত কাগজপত্র এবং অর্থ পরিবহণের জন্য ব্যবহৃত গাড়ির সংখ্যা উল্লেখকরত: প্রতিষ্ঠানটির প্রধান কার্যালয় কর্তৃক প্রত্যয়নপত্র প্রদান করতে হবে। তবে শর্ত থাকে যে অর্থ পরিবহণের জন্য ব্যাংকের কোন শাখাকে ৫ টির অধিক গাড়ির জন্য আগ্নেয়াস্ত্র প্রদান করা যাবে না।

১১. সাধারণ যোগ্যতা ও আবেদনকারীর কার্যক্রম :

(ক) ব্যাংকের পক্ষে অস্ত্রের লাইসেন্সের জন্য আবেদনকারীকে অবশ্যই ব্যাংক শাখা বা আর্থিক প্রতিষ্ঠানের প্রধান/ব্যবস্থাপক হতে হবে। ব্যাংক/প্রতিষ্ঠানের শাখা খোলার শুরু হতে উক্ত শাখার জন্য নির্ধারিত সংখ্যক আগ্নেয়াস্ত্রের লাইসেন্সের জন্য শাখা প্রধান/ব্যবস্থাপক কর্তৃক প্রয়োজনীয় তথ্যাদিসহ সংশ্লিষ্ট জেলা ম্যাজিস্ট্রেট বরাবর নির্ধারিত ছকে (পরিশিষ্ট-৬) আবেদন করবেন। তবে শাখার কার্যক্রম শুরুর সময় হতে আগ্নেয়াস্ত্র লাইসেন্স প্রাপ্তির মধ্যবর্তী সময়ে অভ্যন্তরীণ সমন্বয়ের মাধ্যমে শাখার নিরাপত্তা নিশ্চিত করবেন।

(খ) আবেদনকারীকে অবশ্যই এ ক্ষেত্রে আর্থিক প্রতিষ্ঠানের নাম, ঠিকানা, নতুন শাখা খোলার প্রত্যয়নপত্র, আগ্নেয়াস্ত্র ক্রয় সংক্রান্ত প্রধান কার্যালয়ের নির্দেশনা, প্রার্থিত আগ্নেয়াস্ত্রের ধরণ, আবেদিত ব্যাংক শাখা/আর্থিক প্রতিষ্ঠানের অর্গানোগ্রাম ও জনবল, আয়কর সংক্রান্ত তথ্যাদি, ব্যাংকের/প্রতিষ্ঠানের নিরাপত্তা বিবরণী, বর্তমান মালিকানায় আগ্নেয়াস্ত্রের সংখ্যা, গার্ডের জীবন বৃত্তান্ত, গার্ডের অস্ত্র পরিচালনা সনদপত্র, অস্ত্র প্রশিক্ষণ প্রাপ্ত কর্মচারীর সংখ্যা এবং প্রশিক্ষণ সংক্রান্ত সনদপত্র, বাড়ি ভাড়া চুক্তি ইত্যাদিসহ আবেদনপত্র সরকারের বিবেচনার জন্য জেলা ম্যাজিস্ট্রেটের কার্যালয়ে দাখিল করতে হবে।

A- 





১২. ইস্যুকারী কর্তৃপক্ষের কার্যক্রম :

- (ক) আগ্নেয়াস্ত্র লাইসেন্সের আবেদন প্রাপ্তির পর জেলা ম্যাজিস্ট্রেট নির্ধারিত ফরমে (পরিশিষ্ট-৭) আবেদনকারী কর্তৃক প্রদত্ত গার্ডের প্রাক পরিচয়সহ সংশ্লিষ্ট প্রতিষ্ঠানের অস্ত্রের প্রয়োজনীয়তা বিষয়ে পুলিশ প্রতিবেদন সংগ্রহ করবেন।
- (খ) জেলা ম্যাজিস্ট্রেট আবেদনকারী এবং আবেদনে বর্ণিত গার্ডের সাক্ষাতকার গ্রহণ করবেন। এ সময় তিনি গার্ডের শারীরিক ও মানসিক সামর্থ্য, আবেদনকৃত অস্ত্র ও এর রক্ষণাবেক্ষণের বিষয়ে তাদের জ্ঞান সম্পর্কে নিশ্চিত হবেন। সাক্ষাতকার গ্রহণের সময় তিনি প্রয়োজনে পুলিশ সুপার এবং সিভিল সার্জনের প্রতিনিধির সহায়তা নিতে পারেন। তাছাড়া তিনি সংশ্লিষ্ট প্রতিষ্ঠানের অস্ত্রের প্রয়োজনীয়তা নিশ্চিত হয়ে নির্ধারিত ফরমে (পরিশিষ্ট-৮) মন্তব্য লিপিবদ্ধ করবেন।
- (গ) আবেদনকারীর অস্ত্রের লাইসেন্স প্রাপ্তির বিষয়টি যাচাই বাছাইপূর্বক সংশ্লিষ্ট জেলা ম্যাজিস্ট্রেট এর নিকট যোগ্য বিবেচিত হলে সুপারিশ সহকারে প্রস্তাবটি স্বরাষ্ট্র মন্ত্রণালয়ে প্রেরণ করবেন।
- (ঘ) স্বরাষ্ট্র মন্ত্রণালয় কর্তৃক অনাপত্তি জ্ঞাপন করা হলে জেলা ম্যাজিস্ট্রেট লাইসেন্স ইস্যু করবেন।
- (ঙ) উপরে বর্ণিত ব্যবস্থা গ্রহণ সাপেক্ষে জেলা ম্যাজিস্ট্রেটের সম্মতিক্রমে গার্ড পরিবর্তন করা যাবে।

প্রতিষ্ঠান পর্যায়ে আগ্নেয়াস্ত্রের লাইসেন্স প্রদান

১৩. সাধারণ যোগ্যতা :

- (ক) সরকারি/আধাসরকারি/স্বায়ত্তশাসিত/বেসরকারি প্রতিষ্ঠানের বা অংশীদারী প্রতিষ্ঠান/লিমিটেড কোম্পানি/কর্পোরেট প্রতিষ্ঠানের পক্ষে নির্বাহী প্রধানের অনুকূলে আগ্নেয়াস্ত্রের লাইসেন্স প্রদান করা যাবে।
- (খ) ব্যক্তি মালিকানাধীন প্রতিষ্ঠানের মালিকের আবেদনের প্রেক্ষিতে প্রতিষ্ঠানের মালিক হিসেবে উল্লেখ করে তার নামে আগ্নেয়াস্ত্রের লাইসেন্স ইস্যু করা যাবে।
- (গ) আগ্নেয়াস্ত্রের লাইসেন্সের জন্যে আবেদনকারী প্রতিষ্ঠানের ট্রেড লাইসেন্স, প্রযোজ্য ক্ষেত্রে মেমোরেডাম অব এসোসিয়েশন এবং আর্টিকেল অব এসোসিয়েশন আবেদনের সাথে জমা দিতে হবে।
প্রাইভেট লিমিটেড কোম্পানির ক্ষেত্রে সকল পরিচালকের জীবন বৃত্তান্ত আবেদনের সাথে দাখিল করতে হবে।
- (ঘ) বেসরকারি প্রতিষ্ঠান বা অংশীদারী প্রতিষ্ঠান/লিমিটেড কোম্পানি/কর্পোরেট প্রতিষ্ঠানের ক্ষেত্রে প্রতিষ্ঠানের পরিশোধিত মূলধনের পরিমাণ ন্যূনতম ১০ (দশ) কোটি টাকা হতে হবে।

১৪. প্রতিষ্ঠানের আগ্নেয়াস্ত্রের সীমা :

- (ক) প্রতিষ্ঠানের অনুকূলে প্রয়োজনীয়তা বিবেচনায় দুইটি .১২ বোর শটগানের লাইসেন্স দেয়া যেতে পারে। তবে প্রতিষ্ঠানের নিরাপত্তার গুরুত্ব, নগদ অর্থ লেনদেনের পরিমাণ, ভৌগোলিক অবস্থান, প্রতিষ্ঠানের ধরণ এবং বার্ষিক ক্রমবর্ধমান আয় বিবেচনাপূর্বক শটগানের লাইসেন্সের সংখ্যা বাড়ানো যেতে পারে। কিন্তু এ লাইসেন্সের সংখ্যা কোন ভাবেই ৬ (ছয়) টির বেশী হবে না।

A →

৫

- (খ) সরকারি ও স্বায়ত্তশাসিত প্রতিষ্ঠানের ক্ষেত্রে উপ অনুচ্ছেদ 'ক' এ বর্ণিত আগ্নেয়াস্ত্রের সর্বোচ্চ সীমা প্রযোজ্য হবে না। এ ক্ষেত্রে প্রয়োজনীয়তা ও যৌক্তিকতার প্রেক্ষিতে সংশ্লিষ্ট মন্ত্রণালয়ের সুপারিশের ভিত্তিতে আগ্নেয়াস্ত্রের সংখ্যার সর্বোচ্চ সীমা শিথিলযোগ্য হবে।
- (গ) আগ্নেয়াস্ত্রের সংখ্যার এই হ্রাস/বৃদ্ধির ক্ষেত্রে সুপারিশ প্রদানের পূর্বে সংশ্লিষ্ট জেলা ম্যাজিস্ট্রেট পুলিশের বিশেষ শাখার মাধ্যমে তদন্তপূর্বক চাহিত আগ্নেয়াস্ত্রের প্রয়োজনীয়তা সম্পর্কে নিশ্চিত হবেন।

১৫. আবেদনকারীর কার্যক্রম ও আবেদনের স্থান :

সরকারি/আধাসরকারি/স্বায়ত্তশাসিত/বেসরকারি প্রতিষ্ঠানের অনুকূলে আগ্নেয়াস্ত্র লাইসেন্স প্রদানের ক্ষেত্রে প্রতিষ্ঠানের নাম, ঠিকানা, যাচিত অস্ত্রের ধরণ, বর্তমানে বিদ্যমান নিষিদ্ধ বা অনিষিদ্ধ বোরের আগ্নেয়াস্ত্রের সংখ্যা, গার্ডের জীবন বৃত্তান্ত ও পুলিশ প্রতিবেদন, অস্ত্র প্রশিক্ষণ প্রাপ্ত গার্ড/কর্মচারীর সংখ্যা এবং প্রশিক্ষণ সংক্রান্ত সনদপত্র প্রযোজ্য ক্ষেত্রে সংশ্লিষ্ট মন্ত্রণালয়ের প্রশাসনিক অনুমোদনসহ আবেদনপত্র সরকারের বিবেচনার জন্য জেলা ম্যাজিস্ট্রেটের কার্যালয়ে দাখিল করতে হবে।

১৬. ইস্যুকারী কর্তৃপক্ষের কার্যক্রম :

- (ক) নির্ধারিত ফরমে (পরিশিষ্ট-৯) আগ্নেয়াস্ত্র লাইসেন্সের জন্য আবেদনকারীর আবেদন প্রাপ্তির পর জেলা ম্যাজিস্ট্রেট নির্ধারিত ফরমে (পরিশিষ্ট-১০) আবেদনকারী কর্তৃক প্রদত্ত গার্ডের বিষয়ে প্রাক পরিচয়সহ সংশ্লিষ্ট প্রতিষ্ঠানের অস্ত্রের প্রয়োজনীয়তা এবং লাইসেন্স প্রদান করা হলে ব্যবহার ও সংরক্ষণের ক্ষেত্রে ঝুঁকি রয়েছে কিনা সে বিষয়ে সন্তোষজনক পুলিশ প্রতিবেদন সংগ্রহ করবেন।
- (খ) জেলা ম্যাজিস্ট্রেট আবেদনকারী এবং আবেদনে বর্ণিত গার্ডের সাক্ষাতকার গ্রহণ করবেন। এ সময় তিনি গার্ডদের শারীরিক ও মানসিক সামর্থ্য, আবেদনকৃত অস্ত্র ও এর রক্ষণাবেক্ষণের বিষয়ে তাদের জ্ঞান সম্পর্কে নিশ্চিত হবেন। সাক্ষাতকার গ্রহণের সময় তিনি প্রয়োজনে পুলিশ সুপার এবং সিভিল সার্জনের প্রতিনিধির সহায়তা নিতে পারেন। তাছাড়া তিনি সংশ্লিষ্ট প্রতিষ্ঠানের অস্ত্রের প্রয়োজনীয়তার বিষয়ে নিশ্চিত হয়ে নির্ধারিত ফরমে (পরিশিষ্ট-১১) মন্তব্য লিপিবদ্ধ করবেন।
- (গ) আবেদনকারীর অস্ত্রের লাইসেন্স প্রাপ্তির বিষয়টি যাচাই বাছাইপূর্বক সংশ্লিষ্ট জেলা ম্যাজিস্ট্রেট এর নিকট যোগ্য বিবেচিত হলে সুপারিশ সহকারে প্রস্তাবটি স্বরাষ্ট্র মন্ত্রণালয়ে প্রেরণ করবেন। স্বরাষ্ট্র মন্ত্রণালয় কর্তৃক অনাপত্তি জ্ঞাপন করা হলে জেলা ম্যাজিস্ট্রেট লাইসেন্স ইস্যু করবেন।

সকল পর্যায়ে আগ্নেয়াস্ত্রের লাইসেন্স এর ক্ষেত্রে প্রযোজ্য সাধারণ বিষয়সমূহ

১৭. লাইসেন্স বিষয়ে আবেদনকারীর জ্ঞাতব্য :

আবেদনকারী অস্ত্র ও গোলাবারুদ সম্পর্কিত প্রয়োজনীয় নিয়মাবলী লাইসেন্স গ্রহণের সময় অবশ্যই জ্ঞাত হবেন এবং এই মর্মে নির্ধারিত ফরমে (পরিশিষ্ট-১২) একটি প্রত্যয়নপত্র সংশ্লিষ্ট জেলা ম্যাজিস্ট্রেট বরাবর দাখিল করবেন।

১৮. অস্ত্র লাইসেন্সে লিপিবদ্ধ করা :

- (ক) স্থানীয়ভাবে ক্রয়কৃত আগ্নেয়াস্ত্র ক্রয়ের তারিখ হতে ৫ (পাঁচ) কর্মদিবসের মধ্যে লাইসেন্স ইস্যুকারী সংশ্লিষ্ট জেলা ম্যাজিস্ট্রেটের দপ্তরে লাইসেন্সে লিপিবদ্ধ করাতে হবে।
- (খ) আমদানিকৃত অস্ত্র শুল্ক কর্তৃপক্ষের নিকট হতে ছাড় পাওয়ার পরে ৫ (পাঁচ) কর্মদিবসের মধ্যে লাইসেন্স ইস্যুকারী সংশ্লিষ্ট জেলা ম্যাজিস্ট্রেটের দপ্তরে লাইসেন্সে লিপিবদ্ধ করাতে হবে।

A →

৬

৬

৬

৬

- (গ) যথাসময়ে লিপিবদ্ধ করতে ব্যর্থ হলে এবং জেলা ম্যাজিস্ট্রেট ব্যর্থতার কারণ সম্পর্কে সন্তুষ্ট হলে প্রথম ১৫ (পনেরো) দিনের জন্য প্রতিদিন ২০০/- (দুইশত) টাকা হারে এবং এর পরবর্তীতে প্রতিদিনের বিলম্বের জন্য দৈনিক ৫০০/- (পাঁচশত) টাকা হারে জরিমানা আদায় করে অস্ত্র লাইসেন্সে লিপিবদ্ধ করা যাবে। তবে ১ (এক) মাসের মধ্যে অস্ত্র লাইসেন্সে লিপিবদ্ধ করতে ব্যর্থ হলে লাইসেন্স বাতিল এবং অস্ত্র বাজেয়াপ্ত করা হবে।

১৯. ডুপ্লিকেট লাইসেন্স প্রদান/ লাইসেন্স বাতিল /পরিবর্তন সংক্রান্ত :

- (ক) আগ্নেয়াস্ত্রের মূল লাইসেন্স হারিয়ে গেলে, নষ্ট হলে, পাঠ অযোগ্য হলে অথবা নবায়নের উদ্দেশ্যে স্বাক্ষর এবং সিল মোহরের জায়গা না থাকলে নির্ধারিত ফি প্রদান সাপেক্ষে ডুপ্লিকেট লাইসেন্স সংশ্লিষ্ট ইস্যুকারী জেলা ম্যাজিস্ট্রেটের কার্যালয় থেকে সংগ্রহ করা যাবে।
- (খ) লাইসেন্স হারিয়ে গেলে সংশ্লিষ্ট থানায় জিডি এন্ট্রি করে জিডি'র কপিসহ আবেদন করতে হবে।
- (গ) ডুপ্লিকেট লাইসেন্স ইস্যু করলে পূর্বের লাইসেন্স বাতিলপূর্বক তা ডাটাবেসে অন্তর্ভুক্তকরণপূর্বক বিনষ্ট করতে হবে।
- (ঘ) আগ্নেয়াস্ত্র বিক্রি, হস্তান্তর, স্বত্বত্যাগপূর্বক জমাদান করলে উক্ত আগ্নেয়াস্ত্রের লাইসেন্স বাতিল হয়ে যাবে।
- (ঙ) আগ্নেয়াস্ত্র নষ্ট এবং মেরামত অযোগ্য হলে লাইসেন্সধারী তার আগ্নেয়াস্ত্রটি লাইসেন্স ইস্যুকারী সংশ্লিষ্ট জেলা ম্যাজিস্ট্রেটের নিকট জমা দিবেন। লাইসেন্স ইস্যুকারী জেলা ম্যাজিস্ট্রেট একই সঙ্গে আগ্নেয়াস্ত্রটির লাইসেন্স বাতিল করে আগ্নেয়াস্ত্রটি বাজেয়াপ্ত করবেন।
- (চ) এছাড়া অস্ত্র ব্যবহারের শর্তাদি যথাযথভাবে প্রতিপালন না করলে বা অন্য কোন যৌক্তিক কারণে জেলা ম্যাজিস্ট্রেট কিংবা স্বরাষ্ট্র মন্ত্রণালয় যে কোন লাইসেন্স বাতিল করতে পারবেন।
- (ছ) বাতিলকৃত লাইসেন্স পুনর্বহাল করা যাবে না। তবে অনুচ্ছেদ ১৯ (চ) ব্যতীত অন্য কোন কারণে বাতিল হলে পুনরায় আবেদনের প্রেক্ষিতে জেলা ম্যাজিস্ট্রেট আবেদনকারীর নামে নতুন লাইসেন্স ইস্যু করতে পারবেন।

২০. লাইসেন্স বাতিল হলে আগ্নেয়াস্ত্র বিষয়ে কার্যক্রম :

অনুচ্ছেদ ১৯ (চ) অনুযায়ী লাইসেন্স বাতিল করা হলে সংশ্লিষ্ট ব্যক্তি বাতিলকৃত লাইসেন্স ও সংশ্লিষ্ট অস্ত্র ০৩ (তিন) দিনের মধ্যে নিকটস্থ থানায় জমা প্রদান করবেন। ভারপ্রাপ্ত কর্মকর্তা এ বিষয়টি অনতিবিলম্বে সংশ্লিষ্ট জেলা ম্যাজিস্ট্রেটকে অবহিত করবেন এবং অস্ত্র থানায় সংরক্ষণ করবেন। জেলা ম্যাজিস্ট্রেট আগ্নেয়াস্ত্র সম্পর্কিত পরবর্তী নির্দেশনা প্রদান করবেন।

২১. অকেজো ও মেরামত অযোগ্য আগ্নেয়াস্ত্রের বিষয়ে কার্যক্রম :

- (ক) আগ্নেয়াস্ত্র অকেজো ও মেরামত অযোগ্য হলে লাইসেন্সধারী তার আগ্নেয়াস্ত্রটি লাইসেন্স ইস্যুকারী সংশ্লিষ্ট জেলা ম্যাজিস্ট্রেটের নিকট জমা দিবেন।
- (খ) জেলা ম্যাজিস্ট্রেট একই সঙ্গে আগ্নেয়াস্ত্রটির লাইসেন্স বাতিল করে আগ্নেয়াস্ত্রটি বাজেয়াপ্ত করবেন এবং ঐ ব্যক্তির আবেদনের প্রেক্ষিতে আবেদনকারীর নামে নতুন লাইসেন্স ইস্যু করতে পারবেন।
- (গ) আগ্নেয়াস্ত্রের ডিলারগণের হেফাজতে থাকা অকেজো ও মেরামত অযোগ্য আগ্নেয়াস্ত্রও জেলা ম্যাজিস্ট্রেটের নিকট জমা দিতে হবে।
- (ঘ) জেলা ম্যাজিস্ট্রেট অকেজো ও মেরামত অযোগ্য বাজেয়াপ্তকৃত আগ্নেয়াস্ত্রের হিসাব সংরক্ষণপূর্বক বিনষ্টের জন্য বাংলাদেশ সমরাস্ত্র কারখানায় প্রেরণের ব্যবস্থা গ্রহণ করবেন।







২২. লাইসেন্স এর ধরণ/আগ্নেয়াস্ত্র পরিবর্তন :

- (ক) আগ্নেয়াস্ত্র লাইসেন্সে লিপিবদ্ধ করার পর ৫ (পাঁচ) বছর সমাপ্ত হওয়ার পূর্বে লাইসেন্স এর ধরণ/প্রকার বা আগ্নেয়াস্ত্র পরিবর্তন করা যাবে না। ৫ (পাঁচ) বছর সমাপ্ত হওয়ার পূর্বে আগ্নেয়াস্ত্র অকেজো ও মেরামত অযোগ্য হলে অনুচ্ছেদ ২১ অনুযায়ী কার্যক্রম গ্রহণ করতে হবে এবং মেরামতযোগ্য হলে মেরামতের মাধ্যমে ব্যবহার করতে হবে।
- (খ) পাঁচ বছর অতিক্রান্ত হওয়ার পর আগ্নেয়াস্ত্রের লাইসেন্স এর ধরণ/প্রকার বা আগ্নেয়াস্ত্র পরিবর্তন করতে চাইলে সংশ্লিষ্ট জেলা ম্যাজিস্ট্রেট এর নিকট যথা নিয়মে আবেদন করতে হবে।
- (গ) আগ্নেয়াস্ত্রের ধরণ/প্রকার পরিবর্তনের প্রয়োজনীয়তা নিশ্চিত হলে শটগান/রাইফেল এর ক্ষেত্রে জেলা ম্যাজিস্ট্রেট পরিবর্তনের অনুমোদনসহ লাইসেন্স ইস্যু করবেন এবং পিস্তল/রিভলবার এর ক্ষেত্রে আবেদনটি সুপারিশসহ স্বরাষ্ট্র মন্ত্রণালয়ের অনাপত্তি গ্রহণের জন্য প্রেরণ করবেন।
- (ঘ) স্বরাষ্ট্র মন্ত্রণালয়ের অনাপত্তি প্রাপ্তি সাপেক্ষে জেলা ম্যাজিস্ট্রেট পিস্তল/রিভলবার এর ধরণ/প্রকার পরিবর্তনকরত: লাইসেন্স ইস্যু করবেন।
- (ঙ) অনুচ্ছেদ (গ) ও (ঘ) উভয় ক্ষেত্রে পূর্বতন লাইসেন্স বাতিলপূর্বক নতুন লাইসেন্স ইস্যু করতে হবে।
- (চ) আগ্নেয়াস্ত্রের ধরণ পরিবর্তনের বিষয়টি নতুন লাইসেন্সে লিপিবদ্ধ করতে হবে এবং ডাটাবেস এ অন্তর্ভুক্ত করতে হবে।
- (ছ) যদি কোন ব্যক্তি ৫ (পাঁচ) বছরের অধিক পুরাতন যে কোন প্রকারের অস্ত্র বিক্রি করে তার পরিবর্তে নতুন অস্ত্র ক্রয় করতে না চান এবং লাইসেন্স বাতিলের আবেদন করেন সেক্ষেত্রে জেলা ম্যাজিস্ট্রেট তার লাইসেন্স বাতিলের সিদ্ধান্ত গ্রহণ করবেন।

২৩. ওয়ারিশ সূত্রে আগ্নেয়াস্ত্র প্রাপ্তির ক্ষেত্রে :

- (ক) বার্ষিক্যজনিত বা শারীরিক অক্ষমতাজনিত কারণে ওয়ারিশের অনুকূলে অস্ত্র হস্তান্তরে ইচ্ছুক লাইসেন্সধারী অস্ত্রের ধরণ অনুযায়ী যথাযথ কর্তৃপক্ষের অনুমতিক্রমে অস্ত্র হস্তান্তর করতে পারবেন।
- (খ) বার্ষিক্যজনিত বলতে ৭০ (সত্তর) বছরের অধিক বয়সের ব্যক্তিকে বুঝাবে। শারীরিক অক্ষমতার ক্ষেত্রে জেলা ম্যাজিস্ট্রেট ব্যক্তিগতভাবে লাইসেন্সধারীর সাক্ষাৎকার গ্রহণকরত: অক্ষমতার কারণ সম্পর্কে নিশ্চিত হয়ে প্রয়োজনীয় ব্যবস্থা নিবেন।
- (গ) আগ্নেয়াস্ত্রের লাইসেন্সধারীর মৃত্যুর ১৫ (পনেরো) দিনের মধ্যে তার ওয়ারিশগণ অথবা কোন বৈধ ওয়ারিশ না থাকলে তার নিকটাত্মীয়গণ (আইন মোতাবেক সম্পত্তির অংশীদার) নিকটস্থ থানার ভারপ্রাপ্ত কর্মকর্তার নিকট অস্ত্র ও গোলাবারুদ জমা দিবেন অন্যথায় জেলা ম্যাজিস্ট্রেট যথানিয়মে অস্ত্র ও গোলাবারুদ বাজেয়াপ্ত করবেন।
- (ঘ) মৃত্যুজনিত কারণে আইনানুগ ওয়ারিশের অনুকূলে অস্ত্রের মালিকানা পরিবর্তন করা যাবে।
- (ঙ) ওয়ারিশসূত্রে লাইসেন্স প্রাপ্তির জন্য আবেদনকারীকে অবশ্যই আয়কর প্রদান ব্যতীত লাইসেন্স প্রাপ্তির অন্যান্য যোগ্যতা থাকতে হবে।
- (চ) যোগ্যতা না থাকলে ওয়ারিশগণ উক্ত অস্ত্র যথাযথ কর্তৃপক্ষের অনুমোদনক্রমে আগ্নেয়াস্ত্রের বৈধ ডিলার বা বৈধ লাইসেন্সধারীর কাছে বিক্রি বা সরকারি মালখানায় স্বত্বত্যাগপূর্বক জমা প্রদান করবেন।
- (ছ) ওয়ারিশ সূত্রে প্রাপ্ত আগ্নেয়াস্ত্র অকেজো হলে বা বিক্রি করে নতুন অস্ত্র ক্রয়ের ক্ষেত্রে লাইসেন্স গ্রহণ করতে হলে আবেদনকারীকে আয়করের শর্তাবলীসহ অন্যান্য শর্তাবলী পূরণ করতে হবে।

২৪. ঠিকানা পরিবর্তন :

- (ক) লাইসেন্সধারীর স্থায়ী ঠিকানার পরিবর্তন হলে সংশ্লিষ্ট জেলা ম্যাজিস্ট্রেট, পূর্বের ঠিকানার থানা ও বর্তমান ঠিকানার থানাকে অবিলম্বে লিখিতভাবে অবহিত করতে হবে।
- (খ) অস্থায়ী ঠিকানার পরিবর্তন হলে পূর্বের ঠিকানার থানা এবং বর্তমান ঠিকানার থানাকে অবিলম্বে লিখিতভাবে অবহিত করতে হবে।

২৫. আগ্নেয়াস্ত্র বহন/ব্যবহার :

- (ক) কোন ব্যক্তি স্বীয় লাইসেন্সে অন্তর্ভুক্ত অস্ত্র আত্মরক্ষার নিমিত্ত নিজে বহন/ব্যবহার করতে পারবেন। তবে অন্যের ভীতি/বিরক্তি উদ্বেক করতে পারে এভাবে অস্ত্র প্রদর্শন করা যাবে না।
- (খ) আর্থিক প্রতিষ্ঠান অথবা অন্য কোন প্রতিষ্ঠানের গার্ড ইউনিফর্ম ছাড়া প্রকাশ্যে আগ্নেয়াস্ত্র প্রদর্শন করতে পারবে না।
- (গ) আগ্নেয়াস্ত্রের লাইসেন্সধারী কোন ব্যক্তি নিজ ব্যতীত অন্য কোন ব্যক্তি বা ব্যক্তিবর্গের ব্যক্তিগত নিরাপত্তা বা সম্পত্তি রক্ষার জন্য অস্ত্রধারী প্রহরী হিসেবে নিয়োজিত হতে পারবেন না। সে ক্ষেত্রে তার অস্ত্রের লাইসেন্স তাৎক্ষণিকভাবে বাতিলযোগ্য হবে।
- (ঘ) একইভাবে কোন আগ্নেয়াস্ত্রের লাইসেন্সধারী ব্যক্তি বা ব্যক্তিবর্গকে অন্য ব্যক্তি বা ব্যক্তিবর্গের সম্পত্তি রক্ষার জন্য অস্ত্রধারী প্রহরী হিসেবে নিয়োজিত করা যাবে না।
- (ঙ) প্রতিষ্ঠানের নামে ইস্যু করা আগ্নেয়াস্ত্র সে প্রতিষ্ঠানের নিরাপত্তা ব্যতীত অন্য কোন উদ্দেশ্যে, প্রতিষ্ঠানের মালিক কিংবা কর্মরত কোন ব্যক্তির ব্যক্তিগত সম্পত্তি বা ব্যক্তির নিরাপত্তার কাজে ব্যবহার করা যাবে না।
- (চ) যে প্রতিষ্ঠানের নামে আগ্নেয়াস্ত্রের লাইসেন্স ইস্যু করা হবে সে প্রতিষ্ঠান ব্যতীত অন্য কোন প্রতিষ্ঠান/অধীনস্থ/সহযোগী প্রতিষ্ঠান বা ব্যক্তির নিরাপত্তা কিংবা অন্য কারো স্থাবর এবং অস্থাবর সম্পত্তি রক্ষা করার কাজে উক্ত আগ্নেয়াস্ত্র ব্যবহার করা যাবে না।
- (ছ) আগ্নেয়াস্ত্রের লাইসেন্স প্রাপ্ত কোন প্রতিষ্ঠানের কার্যক্রম বন্ধ হলে বা বিলুপ্ত হয়ে গেলে প্রতিষ্ঠানটির স্বত্বাধিকারী/নির্বাহী প্রধান জেলা ম্যাজিস্ট্রেটের অনুমোদনক্রমে আগ্নেয়াস্ত্র ডিলারের নিকট বিক্রি করতে পারবেন অথবা নিকটস্থ থানার ভারপ্রাপ্ত কর্মকর্তা বা জেলা ম্যাজিস্ট্রেটের নিকট জমা দিবেন। কোন লাইসেন্সধারী আগ্নেয়াস্ত্র স্বেচ্ছায় সমর্পণ করতে চাইলে বা সরকারি কোন সংস্থায় ব্যবহারের জন্য প্রদান করতে ইচ্ছুক হলে লাইসেন্স ইস্যুকারী জেলা ম্যাজিস্ট্রেট বরাবর আবেদন করবেন এবং আগ্নেয়াস্ত্রটি নিকটস্থ পুলিশ স্টেশনে/সংশ্লিষ্ট জেলা ম্যাজিস্ট্রেটের নিকট জমা করবেন। জেলা ম্যাজিস্ট্রেট আবেদন অনুযায়ী প্রয়োজনীয় ব্যবস্থা গ্রহণ করবেন। পুলিশ স্টেশনে আগ্নেয়াস্ত্র সমর্পণ করলে সংশ্লিষ্ট ভারপ্রাপ্ত কর্মকর্তা জেলা ম্যাজিস্ট্রেটের নিকট লিখিতভাবে অবহিত করবেন।
- (জ) প্রবাসী বাংলাদেশী/বাংলাদেশী দ্বৈত নাগরিককে বিদেশে অবস্থানকালে আবশ্যিকভাবে লাইসেন্সকৃত অস্ত্র সংশ্লিষ্ট থানায় বা সেফ কিপিং লাইসেন্স প্রাপ্ত প্রতিষ্ঠানে জমা রাখতে হবে।
- (ঝ) উপরে বর্ণিত যে কোন শর্ত ভঙ্গের কারণে লাইসেন্স বাতিলযোগ্য হবে।

২৬. ডিলিং লাইসেন্স :

- (ক) ডিলিং লাইসেন্সের আবেদন করতে হলে প্রতিষ্ঠানের মালিককে ব্যক্তি পর্যায়ে আগ্নেয়াস্ত্রের লাইসেন্স পাওয়ার সাধারণ যোগ্যতা সম্পন্ন হতে হবে।
- (খ) ডিলিং লাইসেন্সের আবেদনকারীকে বিগত ৩ (তিন) বছরে ধারাবাহিকভাবে ব্যক্তি শ্রেণির আয়করদাতা হিসেবে ৫ (পাঁচ) লক্ষ টাকা আয়কর প্রদান করতে হবে।

২৭. অস্ত্র ও গোলাবারুদ আমদানি :

- (ক) বিদেশ হতে যে সকল অস্ত্র ও কার্তুজ নির্দিষ্ট সময়সীমার মধ্যে আমদানির জন্য ডিলারদের/অনুমোদিত আমদানিকারক প্রতিষ্ঠানকে স্বরাষ্ট্র মন্ত্রণালয়ের অনুমোদন দেয়া হয় সে সকল অস্ত্র ও কার্তুজ নির্দিষ্ট সময়ের মধ্যে আমদানি করতে না পারলে আমদানির অনুমতির মেয়াদ বৃদ্ধি করা যাবে না। তবে নতুন করে অস্ত্র ও কার্তুজ আমদানির অনুমতি নিতে পারবে।
- (খ) ব্যক্তি/ডিলার/রাইফেল/শ্যুটিং ক্লাব/টিসিবি এর ক্ষেত্রে বিদেশ হতে অস্ত্র ও কার্তুজের জন্য আবেদনের ক্ষেত্রে সংশ্লিষ্ট দপ্তর প্রধানের মাধ্যমে আবেদন করতে হবে।
- (গ) রাইফেল/শ্যুটিং ক্লাব/বাংলাদেশ শ্যুটিং স্পোর্টস ফেডারেশন কর্তৃক শ্যুটিং কার্যে ব্যবহৃত অস্ত্র ব্যতীত অন্য কোন অস্ত্র আমদানি করা যাবে না।
- (ঘ) কোন প্রকার এয়ারগান আমদানি করা যাবে না। তবে স্বরাষ্ট্র মন্ত্রণালয়ের পূর্বানুমতিক্রমে ক্রীড়া সরঞ্জাম হিসেবে শ্যুটিং কার্যে ব্যবহারের জন্য আমদানি করা যাবে।
- (ঙ) আগ্নেয়াস্ত্র ডিলার/রাইফেল/শ্যুটিং ক্লাব/বাংলাদেশ শ্যুটিং স্পোর্ট ফেডারেশন কর্তৃক বিদেশ হতে অস্ত্র এবং কার্তুজ আমদানির অনুমতি বিবেচনার জন্য আবশ্যিকভাবে গোয়েন্দা সংস্থার (এনএসআই/এসবি) প্রতিবেদনের ভিত্তিতে সরকার কর্তৃক প্রতিটি আবেদনের ক্ষেত্রে পৃথকভাবে সিদ্ধান্ত গ্রহণ করা হবে। অনুমতি প্রদানের ক্ষেত্রে উক্ত রাইফেল/শ্যুটিং ক্লাব/বাংলাদেশ শ্যুটিং স্পোর্ট ফেডারেশনের প্রয়োজনীয়তা, বর্তমান মজুত, ডিলারের বার্ষিক গড় বিক্রির পরিমাণ, সংরক্ষণ সক্ষমতা ইত্যাদি বিবেচনা করা হবে।
- (চ) বিদেশ হতে আগ্নেয়াস্ত্র ও গোলাবারুদ আমদানির অনুমতির কার্যকারিতা পত্র জারির তারিখ হতে সর্বোচ্চ ২ (দুই) বছর হবে।
- (ছ) টিসিবি, রাইফেল/শ্যুটিং ক্লাব/বাংলাদেশ শ্যুটিং স্পোর্ট ফেডারেশন এবং অস্ত্র ডিলারগণ কর্তৃক অস্ত্র ও গোলাবারুদ আমদানির ১৫ দিনের মধ্যে এ সংক্রান্ত তথ্য সংশ্লিষ্ট জেলা ম্যাজিস্ট্রেটকে লিখিতভাবে অবহিত করতে হবে।
- (জ) টিসিবি, রাইফেল/শ্যুটিং ক্লাব, বাংলাদেশ শ্যুটিং স্পোর্ট ফেডারেশন এবং অস্ত্র ডিলারগণ কর্তৃক অস্ত্র আমদানির ক্ষেত্রে আমদানিকৃত অস্ত্র ও গোলাবারুদসমূহ স্থল, সমুদ্র বা বিমান বন্দরে আসার পর সংশ্লিষ্ট আমদানিকারক কর্তৃক কাস্টমস্ কর্তৃপক্ষ বরাবর আবেদনের ভিত্তিতে আবেদনের ০৭ (সাত) কর্মদিবসের মধ্যে পুলিশ/বিজিবি এবং কাস্টমস্ প্রতিনিধিদের নিয়ে গঠিত কমিটি কর্তৃক সরেজমিনে অস্ত্রের ধরণ যাচাইপূর্বক প্রত্যয়নপত্র প্রদান সাপেক্ষে অস্ত্র ও গোলাবারুদসমূহ ছাড় করতে হবে।
- (ঝ) কোন সামরিক বাহিনীর কর্মকর্তা The Custom Act, 1969 এর তফসিল ১ সেকশন ১৯ অনুযায়ী একবার রেয়াতি শুন্ধে অস্ত্র আমদানি করার পর তা বিক্রয়/হস্তান্তর করলে পুনরায় শুন্ধ রেয়াতের সুবিধা প্রাপ্ত হবেন না।

২৮. অস্ত্র ক্রয়- বিক্রয় ও মেরামত :

- (ক) কোন আগ্নেয়াস্ত্র লাইসেন্সে লিপিবদ্ধ করার ৫ (পাঁচ) বছরের মধ্যে বিক্রি বা হস্তান্তর করা যাবে না। তবে ওয়ারিশসূত্রে প্রাপ্ত আগ্নেয়াস্ত্রের ক্ষেত্রে পূর্বসূরি কর্তৃক আগ্নেয়াস্ত্র লাইসেন্সে লিপিবদ্ধ করার তারিখ হতে সময় গণনা করা হবে।
- (খ) লাইসেন্সে লিপিবদ্ধ করার ৫ (পাঁচ) বছর অতিক্রান্ত হবার পর কোন আগ্নেয়াস্ত্র ত্রুটিপূর্ণ হলে, উক্ত অস্ত্র বিক্রি/হস্তান্তর করা যাবে। অস্ত্র বিক্রির ক্ষেত্রে জেলা ম্যাজিস্ট্রেট বরাবরে লাইসেন্স প্রাপ্ত অস্ত্র মেরামতকারী প্রতিষ্ঠানের প্রত্যয়নপত্রসহ আবেদন করতে হবে এবং তিনি যাচাইক্রমে সিদ্ধান্ত দিবেন/লাইসেন্স বাতিল করবেন। এক্ষেত্রে স্বরাষ্ট্র মন্ত্রণালয়ের পূর্বানুমতির প্রয়োজন হবে না।
- (গ) নিবন্ধিত শূটারগণ তাদের আগ্নেয়াস্ত্র শুধুমাত্র অন্য নিবন্ধিত শূটার/রাইফেল/শ্যুটিং ক্লাব, বাংলাদেশ শ্যুটিং স্পোর্টস ফেডারেশন এর নিকট বিক্রি/হস্তান্তর করতে পারবেন।
- (ঘ) আগ্নেয়াস্ত্র লাইসেন্সে লিপিবদ্ধ করার ৫ (পাঁচ) বছর অতিক্রান্ত হওয়ার পূর্বে ত্রুটিপূর্ণ কিন্তু মেরামতযোগ্য না হলে সংশ্লিষ্ট ব্যক্তির আবেদনের প্রেক্ষিতে জেলা ম্যাজিস্ট্রেট আগ্নেয়াস্ত্রটি বাজেয়াপ্ত করবেন। এ ক্ষেত্রে উক্ত আগ্নেয়াস্ত্রের লাইসেন্স বাতিল বলে গণ্য হবে। বাতিলকৃত লাইসেন্স পুনর্বহাল করা যাবে না। তবে আবেদনকারীর আবেদনের প্রেক্ষিতে জেলা ম্যাজিস্ট্রেট নতুন লাইসেন্স ইস্যু করতে পারবেন।
- (ঙ) টিসিবি, রাইফেল/শ্যুটিং ক্লাব, বাংলাদেশ শ্যুটিং স্পোর্টস ফেডারেশন এবং অস্ত্র ডিলারগণ আগ্নেয়াস্ত্র বিক্রির সময় যে লাইসেন্সের অনুকূলে অস্ত্র বিক্রি করা হয়েছে তার ছায়ালিপি আবশ্যিকভাবে সংরক্ষণ করবেন।

২৯. গোলাবারুদ ক্রয়- বিক্রয় :

- (ক) লং ব্যারেল (বন্দুক/শটগান/রাইফেল) এবং শর্ট ব্যারেল (পিস্তল/রিভলবার) আগ্নেয়াস্ত্রের ক্ষেত্রে প্রতি বছর সর্বোচ্চ যথাক্রমে ১০০টি গুলি ও ৫০টি গুলি ক্রয়ের অনুমতি দেওয়া যাবে। ব্যাংক ও আর্থিক প্রতিষ্ঠান ব্যতীত অন্যান্য প্রতিষ্ঠানের নামে ইস্যুকৃত প্রতিটি অস্ত্রের বিপরীতে বার্ষিক সর্বোচ্চ ৫০ টি গুলি ক্রয় করা যাবে।
- (খ) নতুন অস্ত্র ক্রয় ও মেরামতের সময় টেস্ট ফায়ারিং, আত্মরক্ষা ও টার্গেট প্র্যাকটিসের উদ্দেশ্যে গুলি ব্যবহার করা যাবে। টেস্ট ফায়ারিং এর জন্য সর্বোচ্চ ৫টি গুলি ব্যবহার করা যাবে এবং বিক্রয়কারী প্রতিষ্ঠান এতদসংক্রান্ত প্রত্যয়ন প্রদান করবে। আত্মরক্ষার ক্ষেত্রে গুলি ব্যবহারের অব্যবহিত পরেই সংশ্লিষ্ট থানায় জিডি করতে হবে। টার্গেট প্র্যাকটিসের ক্ষেত্রে সরকারের অনুমোদিত ফায়ারিং রেঞ্জ এবং বাংলাদেশ শ্যুটিং স্পোর্টস ফেডারেশনের নির্দিষ্ট অনুশীলন কেন্দ্র ছাড়া টার্গেট প্র্যাকটিস করা যাবে না।
- (গ) টার্গেট প্র্যাকটিসে গুলি ব্যবহারের বিষয়ে উক্ত ফায়ারিং রেঞ্জ বা বাংলাদেশ শ্যুটিং স্পোর্টস ফেডারেশনের প্রত্যয়নপত্র গ্রহণ করতে হবে। পরবর্তীতে নতুন গুলি ক্রয়ের ক্ষেত্রে পূর্বে ব্যবহৃত গোলাবারুদদের প্রত্যয়ন পত্র এবং প্রযোজ্য ক্ষেত্রে জিডি এর অনুলিপিসহ ব্যবহৃত গুলির হিসাব জেলা ম্যাজিস্ট্রেটের নিকট জমা দিতে হবে।
- (ঘ) জেলা ম্যাজিস্ট্রেট যাচাইয়াতে ব্যবহৃত গুলির সমসংখ্যক গুলি ক্রয়ের অনুমতি প্রদান করবেন। জেলা ম্যাজিস্ট্রেটের প্রত্যয়নপত্র ব্যতীত কোন ডিলার আগ্নেয়াস্ত্র লাইসেন্সধারীর নিকট গুলি বিক্রি করতে পারবে না। এ ক্ষেত্রে ডিলারগণ জেলা ম্যাজিস্ট্রেটের প্রত্যয়নপত্র সংরক্ষণ করবেন।
- (ঙ) নিবন্ধিত শূটারদের ক্ষেত্রে বাংলাদেশ শ্যুটিং স্পোর্টস ফেডারেশনের অনুমোদনক্রমে প্রয়োজনীয় সংখ্যক গুলি সংগ্রহ করতে হবে।

- (চ) টিসিবি, রাইফেল/শ্যুটিং ক্লাব, বাংলাদেশ শ্যুটিং স্পোর্টস ফেডারেশন এবং অস্ত্র ডিলারগণ আগ্নেয়াস্ত্র বিক্রির সময় যে লাইসেন্সের অনুকূলে গুলি বিক্রি করা হবে তার ছায়ালিপি আবশ্যিকভাবে সংরক্ষণ করবে।

৩০. লাইসেন্স ও নবায়ন ফি :

(ক) নিম্নোক্তভাবে প্রতি আগ্নেয়াস্ত্রের জন্য লাইসেন্স ফি নির্ধারিত হবে :

৩০.ক.১	ব্যক্তি পর্যায়ে	লাইসেন্সের ইস্যু ফি : পিস্তল/ রিভলবার : ৬০,০০০/- (ষাট হাজার) টাকা বন্দুক/ শটগান/ রাইফেল : ৮০,০০০/- (চল্লিশ হাজার) টাকা লাইসেন্সের নবায়ন ফি: পিস্তল/ রিভলবার : ২০,০০০/- (বিশ হাজার) টাকা বন্দুক/ শটগান/ রাইফেল : ১০,০০০/- (দশ হাজার) টাকা।
৩০.ক.২	আর্থিক প্রতিষ্ঠান বা ব্যাংক পর্যায়ে	লাইসেন্স ইস্যু ফি : লং ব্যারেল : ৫০,০০০/- (পঞ্চাশ হাজার) টাকা লাইসেন্স নবায়ন ফি: লং ব্যারেল : ১০,০০০/- (দশ) হাজার টাকা।
৩০.ক.৩	প্রতিষ্ঠান পর্যায়ে	লাইসেন্সের ইস্যু ফি: লং ব্যারেল : ১০০,০০০/- (এক লাখ) টাকা লাইসেন্স নবায়ন ফি: লং ব্যারেল : ২০,০০০/- (বিশ হাজার) টাকা।
৩০.ক.৪	ডিলার এবং মেরামতকারী প্রতিষ্ঠান	লাইসেন্সের ইস্যু ফি: ৮০,০০০/- (চল্লিশ হাজার) টাকা লাইসেন্স নবায়ন ফি: ১০,০০০/- (দশ হাজার) টাকা।
৩০.ক.৫	সেফ কিপিং	লাইসেন্সের ইস্যু ফি: ৩০,০০০/- (ত্রিশ হাজার) টাকা লাইসেন্স নবায়ন ফি: ৬,০০০/- (ছয় হাজার) টাকা।
৩০.ক.৬	ডুপ্লিকেটিং লাইসেন্স ফি	এস, আরও, নং ২৯০/আইন/২০০৮ তারিখ ২৯ অক্টোবর ২০০৮ মূলে Arms Rules 1924 এর Rules 47 clause b সংশোধিত মতে ৫০০ (পাঁচশত টাকা) অথবা মূল লাইসেন্স ফি এর মধ্যে যেটি কম।

- (খ) কর্মরত/অবসরপ্রাপ্ত সামরিক কর্মকর্তাদের ক্ষেত্রে Arms Act Manual 1924 এর চ্যাপ্টার ৩ সেকশন ৬ এর ৪৫ এবং ৪৬ (সি) অনুচ্ছেদ অনুযায়ী লাইসেন্স ফি এবং নবায়ন ফি এর বিষয়ে ব্যবস্থা নিতে হবে।
- (গ) সনদপ্রাপ্ত (সরকারি গেজেটে বিজ্ঞাপিত) মুক্তিযোদ্ধা, রাষ্ট্রীয় সাংবিধানিক পদে কর্মরত ব্যক্তিবর্গ ও জাতীয় বেতন স্কেলের ৬ষ্ঠ ও তদূর্ধ্ব গ্রেডভুক্ত চাকুরীরত/অবসরপ্রাপ্ত সরকারি ক্যাডার সার্ভিস কর্মকর্তাদের পিস্তল/রিভলবার/শটগান/রাইফেল এর লাইসেন্স ফি এবং নবায়ন ফি প্রযোজ্য হবে না।

৩১. নবায়ন বিষয়ক বিধান :

- (ক) প্রতিবছর ৩১ ডিসেম্বর তারিখের মধ্যে আগ্নেয়াস্ত্রের লাইসেন্স নবায়ন করতে হবে। নবায়নের মেয়াদ হবে সর্বোচ্চ ০২ (দুই) বছর। সেক্ষেত্রে ০২ (দুই) বছরের ফি পরিশোধ করতে হবে।
- (খ) ৩১ ডিসেম্বরের পর জেলা ম্যাজিস্ট্রেট নবায়নের সময়সীমা সর্বোচ্চ এক মাস পর্যন্ত বর্ধিত করতে পারবেন।
- (গ) নির্ধারিত বর্ধিত সময়ের মধ্যে লাইসেন্স নবায়ন করা না হলে, জেলা ম্যাজিস্ট্রেটের নিকট নবায়ন না করার সন্তোষজনক ব্যাখ্যাসহ আবেদন করতে হবে।
- (ঘ) জেলা ম্যাজিস্ট্রেট কর্তৃক আবেদন সন্তোষজনক বিবেচিত হলে পূর্ণ লাইসেন্স ইস্যু ফি এর সমপরিমাণ অর্থ আদায়পূর্বক লাইসেন্স নবায়ন করবেন। সন্তোষজনক বিবেচিত না হলে তিনি নবায়ন না করে লাইসেন্স বাতিলপূর্বক অস্ত্রটি বাজেয়াপ্ত করতে পারবেন।
- (ঙ) ধারাবাহিকভাবে ০৫ (পাঁচ) বছরের অধিককাল আগ্নেয়াস্ত্রের লাইসেন্স নবায়ন না করা হলে, নবায়নের কোন আবেদন বিবেচিত হবে না। সেক্ষেত্রে জেলা ম্যাজিস্ট্রেট লাইসেন্স বাতিলপূর্বক আগ্নেয়াস্ত্রটি বাজেয়াপ্ত করবেন।







- (চ) জেলা ম্যাজিস্ট্রেট বরাবরে লিখিতভাবে সন্তোষজনক কারণ ব্যাখ্যা করে আবেদন জানালে কোন অস্ত্রের লাইসেন্স (ডিলিং/রিপয়ারিং/সেফ কিপিং লাইসেন্স ব্যতীত) যে কোন জেলার জেলা ম্যাজিস্ট্রেটের কার্যালয়ে নবায়ন করা যেতে পারে। তবে নবায়নকারী কর্তৃপক্ষ আবশ্যিকভাবে নবায়নকৃত লাইসেন্সসমূহের নবায়নের তথ্য অবিলম্বে লাইসেন্স ইস্যুকারী কর্তৃপক্ষকে অবহিত করবেন এবং উভয় জেলা ম্যাজিস্ট্রেট নবায়নের তথ্য ডাটা বেইজে এন্ট্রি করবেন। আগ্নেয়াস্ত্র লাইসেন্সধারী ব্যক্তিগতভাবেও নবায়নের তথ্য লাইসেন্স ইস্যুকারী জেলা ম্যাজিস্ট্রেটকে অবিলম্বে অবহিত করবেন।
- (ছ) জেলা ম্যাজিস্ট্রেট প্রতিবার লাইসেন্স নবায়নের ক্ষেত্রে আবশ্যিকভাবে লাইসেন্সধারীর সাক্ষাতকার নিবেন এবং অস্ত্র ব্যবহারে তার শারীরিক ও মানসিক সক্ষমতা নিশ্চিত হয়ে নবায়ন করবেন।

৩২. বিশেষ প্রাধিকার :

১. নিম্নবর্ণিত পদাধিকারী ব্যক্তিবর্গের লাইসেন্স প্রাপ্তির জন্য নির্ধারিত আয়কর পরিশোধে বাধ্যবাধকতা থাকবে না:
 - স্পীকার, ডেপুটি স্পীকার, মন্ত্রী, প্রতিমন্ত্রী, উপমন্ত্রী ও সমপদমর্যাদা সম্পন্ন ব্যক্তিবর্গ।
 - সংসদ সদস্য।
 - সিটি কর্পোরেশনের মেয়র/‘ক’ শ্রেণির পৌরসভার মেয়র।
 - চেয়ারম্যান, জেলা পরিষদ ও চেয়ারম্যান, উপজেলা পরিষদ অথবা সরকার কর্তৃক নির্ধারিত নাম/পদবী।
 - রাষ্ট্রীয় সাংবিধানিক পদে কর্মরত ব্যক্তিবর্গ।
 - সরকারি গেজেটে বিজ্ঞাপিত সনদ প্রাপ্ত মুক্তিযোদ্ধা।
 - প্রথম শ্রেণীর স্থায়ী সরকারী কর্মকর্তাগণ (চাকুরিরত ও অবসরপ্রাপ্ত)।
 - সামরিক বাহিনীতে কমিশন্ড প্রাপ্ত প্রথম শ্রেণির কর্মরত/অবসরপ্রাপ্ত কর্মকর্তা।
 - চলমান জাতীয় দলের শূটার (যথাযথ কর্তৃপক্ষ কর্তৃক প্রত্যায়িত হতে হবে)।
 - শিল্প, সাহিত্য, সংস্কৃতি, ক্রীড়া, বিজ্ঞান, গবেষণা, ইত্যাদি ক্ষেত্রে জাতীয় পর্যায়ে অবদানের স্বীকৃতিপ্রাপ্ত বা স্বরাষ্ট্র মন্ত্রণালয় কর্তৃক অনুমোদিত কোন বিশিষ্ট ব্যক্তি।
২. উপানুচ্ছেদ ৩২(১) এর ক, খ, গ, ঘ ও ঝ বর্ণিত ব্যক্তিদের ক্ষেত্রে বয়সের বাধ্যবাধকতা থাকবে না।

৩৩. আগ্নেয়াস্ত্র এর নিরাপত্তা :

- সরকার প্রয়োজনমতে সময়ে সময়ে যে কোন আগ্নেয়াস্ত্র সংশ্লিষ্ট জেলা মালখানা/থানা/ সেফ কিপিং লাইসেন্স প্রাপ্ত প্রতিষ্ঠানে জমা প্রদানের নির্দেশ দিতে পারবে।
- বিদেশে অবস্থানকালীন সময়ে লাইসেন্সকৃত অস্ত্র সংশ্লিষ্ট জেলা মালখানা/থানা/সেফ কিপিং লাইসেন্স প্রাপ্ত প্রতিষ্ঠানে জমা রাখতে হবে।
- আগ্নেয়াস্ত্রের লাইসেন্স প্রাপ্ত কোন প্রতিষ্ঠানের কার্যক্রম বন্ধ হলে বা বিলুপ্ত হয়ে গেলে প্রতিষ্ঠানটির নির্বাহী প্রধান নিকটস্থ থানার ভারপ্রাপ্ত কর্মকর্তা বা জেলা ম্যাজিস্ট্রেটের নিকট আগ্নেয়াস্ত্র জমা দিবেন এবং তাৎক্ষণিকভাবে ইস্যুকারী কর্তৃপক্ষকে অবহিত করবেন।

৩৪. পরিদর্শন :

- প্রতি ০৬ (ছয়) মাস অন্তর জেলা ম্যাজিস্ট্রেট এবং পুলিশ কর্তৃপক্ষ, টিসিবি, রাইফেল/শ্যুটিং ক্লাব, বাংলাদেশ শ্যুটিং স্পোর্ট ফেডারেশন এবং অস্ত্র ডিলারগণ কর্তৃক আমদানিকৃত অস্ত্র ও গোলাবারুদসমূহের মজুদ এবং ক্রয় বিক্রয়ের হিসাব সরেজমিনে পরিদর্শন করবেন এবং উক্ত পরিদর্শন প্রতিবেদন স্বরাষ্ট্র মন্ত্রণালয়ে প্রেরণ করবেন।
- স্বরাষ্ট্র মন্ত্রণালয় কর্তৃক ক্ষমতাপ্রাপ্ত যে কোন কর্মকর্তা যে কোন সময় যে কোন অস্ত্র আমদানিকারক প্রতিষ্ঠান এবং অস্ত্র ও গোলাবারুদ মজুদকৃত স্থান সরেজমিনে পরিদর্শন করতে পারবেন।

৪

৫

৬

৭

৩৫. আগ্নেয়াস্ত্র লাইসেন্স বাতিল বা বাজেয়াপ্তকৃত অস্ত্র সম্পর্কিত বিধান :

- (ক) আগ্নেয়াস্ত্রের লাইসেন্স ইস্যুর ০৩ (তিন) বছরের মধ্যে অস্ত্র ত্রয় না করলে লাইসেন্সটি স্বয়ংক্রিয়ভাবে বাতিল বলে গণ্য হবে। বাতিলকৃত লাইসেন্স পুনর্বহাল করা যাবে না।
- (খ) আগ্নেয়াস্ত্র বিধিমালা, ১৯২৪ এবং এই নীতিমালার বিধানসমূহ ভঙ্গ করলে সংশ্লিষ্ট ব্যক্তি/প্রতিষ্ঠানের আগ্নেয়াস্ত্রের লাইসেন্স বাতিলপূর্বক আগ্নেয়াস্ত্র বাজেয়াপ্ত করা হবে।
- (গ) সরকার প্রয়োজন মনে করলে যে কোন সময় যে কোন ব্যক্তি/প্রতিষ্ঠানের লাইসেন্স বাতিল করতে পারবেন এবং লাইসেন্সভুক্ত অস্ত্র বাজেয়াপ্ত করতে পারবে।
- (ঘ) বাজেয়াপ্তকৃত অস্ত্র প্রাথমিকভাবে কোর্ট মালখানায় জমা রাখতে হবে।
- (ঙ) মালখানায়, ট্রেজারীতে, থানা কর্তৃপক্ষের নিকট, লাইসেন্সধারী আগ্নেয়াস্ত্র ডিলারের নিকট অথবা বৈধ কোন অস্ত্রভান্ডারে দীর্ঘদিন দাবীদারহীন অবস্থায় থাকা আগ্নেয়াস্ত্র বাজেয়াপ্ত করা যাবে।
- (চ) 'The Bengal Arms Act Manual 1924' চ্যাপ্টার ৩ সেকশন ১০ এর ৯৭ বিধি মোতাবেক বাজেয়াপ্তকৃত অস্ত্রের মধ্যে যে সকল অস্ত্র পুলিশ কর্তৃক ব্যবহার উপযোগী তা জেলা ম্যাজিস্ট্রেটের সুপারিশের ভিত্তিতে স্বরাষ্ট্র মন্ত্রণালয়ের অনুমতিক্রমে বাংলাদেশ পুলিশ/অন্য কোন সরকারি বিভাগকে সরকারি কাজের জন্য বিনামূল্যে সরবরাহ করা যাবে অথবা অস্ত্র বৈধ লাইসেন্সধারী ব্যক্তি/ডিলারদের নিকট নিলামে বিক্রি করা যাবে। ব্যবহার অনুপযোগী অস্ত্রসমূহ ধ্বংসের উদ্দেশ্যে সমরাস্ত্র কারখানায় প্রেরণ করতে হবে।

৩৬. সরকার প্রয়োজনে এই নীতিমালা যে কোন সময় পরিবর্তন/পরিবর্ধন/পরিমার্জন বা বাতিল করতে পারবেন।

(খন্দকার মো: মাহাবুবুর রহমান)

অতিরিক্ত সচিব (রাজনৈতিক ও আইসিটি)

বিতরণ (জ্যেষ্ঠতার ক্রমানুসারে নয়) :

- ১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২। সচিব, অর্থ মন্ত্রণালয়, বাংলাদেশ সচিবালয়, ঢাকা।
- ৩। সচিব, বাণিজ্য মন্ত্রণালয়, বাংলাদেশ সচিবালয়, ঢাকা।
- ৪। সচিব, প্রতিরক্ষা মন্ত্রণালয়, ঢাকা।
- ৫। সচিব, অভ্যন্তরীণ সম্পদ বিভাগ ও চেয়ারম্যান, জাতীয় রাজস্ব বোর্ড, ঢাকা।
- ৬। পুলিশ মহাপরিদর্শক, পুলিশ হেডকোয়ার্টার্স, ঢাকা (তাঁর অধীস্থ সকল পুলিশ সুপারকে অবহিতকরণের অনুরোধসহ)।
- ৭। বিভাগীয় কমিশনার, ঢাকা/চট্টগ্রাম/রাজশাহী/খুলনা/বরিশাল/সিলেট/রংপুর/ময়মনসিংহ (তাঁর অধীস্থ সকল জেলা ম্যাজিস্ট্রেটগণকে অবহিতকরণের অনুরোধসহ)।
- ৮। মহাপরিচালক, ডিজিএফআই, সেনাসদর, ঢাকা।
- ৯। মহাপরিচালক, এনএসআই, ঢাকা।
- ১০। অতিরিক্ত পুলিশ মহাপরিদর্শক, বিশেষ শাখা, ঢাকা।
- ১১। মাষ্টার জেনারেল অব অর্ডিন্যান্স, সেনাসদর, ঢাকা।
- ১২। পরিচালক (প্রশাসন), সশস্ত্র বাহিনী বিভাগ, ঢাকা সেনানিবাস।
- ১৩। মাননীয় স্বরাষ্ট্র উপদেষ্টার একান্ত সচিব, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
- ১৪। মাননীয় বিশেষ সহকারীর একান্ত সচিব, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
- ১৫। সিনিয়র সচিবের একান্ত সচিব, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
- ১৬। সিস্টেম এনালিস্ট, আইসিটি সেল, জননিরাপত্তা বিভাগ, স্বরাষ্ট্র মন্ত্রণালয় (ওয়েবসাইটে প্রকাশের অনুরোধসহ)।
- ১৭। অতিরিক্ত সচিব (রাজনৈতিক)-এর ব্যক্তিগত কর্মকর্তা, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
- ১৮। সাধারণ সম্পাদক, বাংলাদেশ শূটিং স্পোর্টস ফেডারেশন, গুলশান-১, ঢাকা-১২১২।
- ১৯। সভাপতি/সহ-সভাপতি, বাংলাদেশ আর্মস ডিলার্স এন্ড ইমপোর্টার্স এ্যাসোসিয়েশন, এল্লাল চেন্নার (৪র্থ তলা), ১১ মতিঝিল বা/এ, ঢাকা।

(মো. আমিনুল ইসলাম)

উপসচিব (রাজ-৪)

স্বরাষ্ট্র মন্ত্রণালয়।

LIST OF PROHIBITED BORE WEAPONS

- (1) All Machine Guns/Light Machine Guns.
- (2) All self loading & Auto rifles not including .22 Bore.
- (3) All Machine Carbines, Machine pistols & Sub Machine Guns.

All rifles, muskets, revolvers and pistols of the following calibers or their equivalents which can fire service

Gmmo.

0.410 in	Musket
0.303 in	Rifle
7.62 mm	Rifle
.38 bore	Pistol
7.7 mm	Rifle
7.9 mm	Rifle
7.92 mm	Rifle
0.30 in	Rifle and Carbine
.3006 in	Rifle
9 mm	Pistol
0.38 in	Revolver
0.455 in	Revolver
0.45 in	USA Carbine
0.441 bore	Revolver/ Pistol

4. All such weapons which are of the same bore but cannot fire service ammunition will not be considered as prohibited bore weapons.
5. Any other weapon capable of firing the standard service ammunition will be considered as prohibited bore.
6. Any weapon which has common spare part with that of any service weapon will also be treated as prohibited bore.
7. একবার ট্রিগার টিপলে একাধিক গুলি বের হয় এমন আগ্নেয়াস্ত্র।



নোটারী পাবলিক _____, বাংলাদেশ

হলফনামা

আমি..... পিতা.....
মাতা.....বর্তমান ঠিকানা.....
.....স্থায়ী ঠিকানা.....
.....জাতীয়তা- বাংলাদেশী, ধর্ম..... পেশা.....
বয়স.....জাতীয় পরিচিতি নম্বর..... এ মর্মে হলফপূর্বক ঘোষণা করছি যে,
আমি আগ্নেয়াস্ত্র লাইসেন্সের নীতিমালা সম্পর্কিত সকল আইন-কানুন জ্ঞাত হলাম এবং আমার নামে আগ্নেয়াস্ত্র
লাইসেন্স ইস্যু করা হলে আমি সকল নিয়ম-কানুন মেনে চলতে বাধ্য থাকব। আমি আরও ঘোষণা করছি যে,
বর্তমানে আমার নামে কোন আগ্নেয়াস্ত্র লাইসেন্স নেই/আমার নামেটি.....আগ্নেয়াস্ত্র রয়েছে যার
লাইসেন্স নং.....। এ ছাড়া আমার নামে অন্য কোন আগ্নেয়াস্ত্র লাইসেন্স নেই।

উল্লিখিত বর্ণনা আমার জ্ঞান ও বিশ্বাস মতে সত্য। আমি স্বেচ্ছায়, অন্যের বিনা প্ররোচনায় এবং
স্বজ্ঞানে এ হলফনামা সম্পাদন করলাম।

হলফকারীর স্বাক্ষর

হলফকারী আমার পরিচিত। তিনি আমার সম্মুখে

স্বাক্ষর করলে আমি তাকে সনাক্ত করলাম।

এডভোকেট



পরিশিষ্ট-৩

জেলা ম্যাজিস্ট্রেট,

.....লাইসেন্সের জন্য আবেদন
আবেদনের শ্রেণি : (সাধারণ/বিশেষ প্রাধিকারভুক্ত/ওয়ারিশসূত্রে)

১. আবেদনকারীর পুরো নাম ডাকনামসহ (বাংলায়) :
২. আবেদনকারীর নাম (ইংরেজীতে বড় অক্ষরে) :
৩. জাতীয় পরিচিতি নম্বর :
৪. জন্ম তারিখ (জাতীয় পরিচয়পত্র/পাসপোর্ট) সংযুক্ত করতে হবে :
৫. আবেদনের তারিখে বয়স :
৬. মাতার নাম ও পেশা :
৭. পিতার নাম ও পেশা :
৮. বৈবাহিক অবস্থা :
৯. স্বামী/স্ত্রীর নাম ও পেশা :
১০. জাতীয়তা :
১১. ধর্ম :
১২. বর্তমান ঠিকানা :
১৩. স্থায়ী ঠিকানা :
১৪. শিক্ষাগত যোগ্যতা (প্রমাণপত্রসহ) :
১৫. পেশার বিবরণ ও প্রতিষ্ঠানের ঠিকানা :
১৬. বার্ষিক আয় :
১৭. আয়কর প্রদান সংক্রান্ত তথ্য-
ক) টিআইএন :
খ) আবেদনের বছরের পূর্ববর্তী ৩ কর বছরের আয়করের বিবরণ :
(কর বছর এবং পরিমাণসহ প্রমাণপত্র সংযুক্ত করতে হবে)
১৮. আবেদনকারী সরকারি কর্মচারী হলে-
ক) ক্যাডার/সার্ভিস এর নাম :
খ) পদবী :
গ) বেতন গ্রেড ও মূলবেতন :
ঘ) বর্তমান কর্মস্থলের ঠিকানা :
১৯. ইতঃপূর্বে গুরুমুক্ত সুবিধায় বিদেশ হতে কোন অস্ত্র আমদানি করেছেন কিনা :
২০. ইতঃপূর্বে কোন আগ্নেয়াস্ত্রের লাইসেন্স বাতিল করা হয়েছে কিনা :
বাতিল করা হলে:-
ক) অস্ত্রের ধরণ :
খ) বাতিলের কারণ :
২১. কী কারণে চাহিত আগ্নেয়াস্ত্র লাইসেন্সের প্রয়োজন :
২২. অন্য কোন আগ্নেয়াস্ত্র রয়েছে কিনা এ সম্পর্কে ৩০০/- টাকার নন-জুডিশিয়াল স্ট্যাম্প হলফনামা প্রদান করা হয়েছে কিনা :
ওয়ারিশের নিকট আগ্নেয়াস্ত্র হস্তান্তরের ক্ষেত্রে ৩০০/- টাকার নন-জুডিশিয়াল স্ট্যাম্প নোটারীকৃত না-দাবীনামা সংযুক্ত করা হয়েছে কিনা :

২৪. ফৌজদারি মামলা সংক্রান্ত তথ্য-

ক) কোন মামলার চার্জশীটভুক্ত আসামী কিনা

ঃ

খ) কোন মামলায় সাজাপ্রাপ্ত (মেয়াদসহ)/খালাসপ্রাপ্ত কিনা

ঃ

আমিএ মর্মে ঘোষণা করছি যে,
আবেদনপত্রে প্রদত্ত সকল তথ্য সম্পূর্ণ সত্য ও নির্ভুল।

তারিখ:

.....
আবেদনকারীর স্বাক্ষর



পরিশিষ্ট-৪

ব্যক্তির ক্ষেত্রে আগ্নেয়াস্ত্র লাইসেন্স প্রাপ্তির
জন্য আবেদনের বিষয়ে অনুসন্ধান/যাচাই প্রতিবেদন

১. আবেদনকারীর নাম :
২. স্থায়ী ঠিকানা :
৩. বর্তমান ঠিকানা :
৪. মাতার নাম :
৫. পিতার নাম :
৬. পেশার বিস্তারিত বিবরণ ও প্রতিষ্ঠানের ঠিকানা :
৭. যে ধরনের অস্ত্রের জন্য আবেদন করা হয়েছে তার বিবরণ :
৮. আয়ের উৎস উল্লেখসহ বার্ষিক আয় :
৯. ফৌজদারি মামলা সংক্রান্ত তথ্য-
 - ক) কোন মামলার চার্জশীটভুক্ত আসামী কিনা :
 - খ) কোন মামলায় সাজাপ্রাপ্ত (মেয়াদসহ)/খালাসপ্রাপ্ত কিনা :
১০. আবেদনকারী অভ্যাসগতভাবে সামাজিক শান্তি শৃঙ্খলা ভঙ্গের সাথে জড়িত কিনা :
১১. আবেদনকারীর অস্ত্র পরিচালনা ও রক্ষণাবেক্ষণের ব্যবহারিক জ্ঞান আছে কিনা :
১২. আবেদনকারীর জীবনাশঙ্ককা এবং আগ্নেয়াস্ত্রের প্রয়োজন আছে কিনা তার বিস্তারিত বিবরণসহ প্রত্যয়ন পত্র :
১৩. মূল আবেদনপত্রের সাথে সংযুক্ত সকল সার্টিফিকেটের সঠিকতা যাচাই সংক্রান্ত প্রত্যয়নপত্র। :
১৪. বিবিধ (আবেদনকারী সম্পর্কে বিরূপ তথ্য আছে কিনা) :
১৫. আবেদনকারী সম্পর্কে সংশ্লিষ্ট অফিসার ইনচার্জ এর সার্বিক মন্তব্য ও স্বাক্ষর :
১৬. সংশ্লিষ্ট পুলিশ সুপার, জেলা বিশেষ শাখা এর মন্তব্য ও স্বাক্ষর :

পরিশিষ্ট-৫

জেলা ম্যাজিস্ট্রেট কর্তৃক আবেদনকারীর সাক্ষাতকার গ্রহণের ফরম

১. আবেদনকারীর নাম :
২. পিতার নাম :
৩. মাতার নাম :
৪. বর্তমান ঠিকানা :
৫. স্থায়ী ঠিকানা :
৬. বয়স :
৭. পেশা :
৮. শিক্ষাগত যোগ্যতা :
৯. আবেদনকারীকে শারীরিক/মানসিকভাবে
সুস্থ প্রতীয়মান হয় কিনা :
১০. আবেদনকারীর অস্ত্র পরিচালনা সম্পর্কিত
প্রাথমিক জ্ঞান আছে কিনা :
১১. আবেদনকারীর অস্ত্র আইন ও বিধিমালা
সম্পর্কে অবহিত কিনা :
১২. আবেদনকারীর আগ্নেয়াস্ত্র নিরাপদ হেফাজতে
সংরক্ষণ করার জ্ঞান ও সক্ষমতা আছে কিনা :
১৩. আবেদনকারীর নিরাপত্তার জন্য আগ্নেয়াস্ত্রের
আবশ্যকতা আছে কিনা :
১৪. আবেদনকারীর আচার-আচরণ সন্তোষজনক কিনা :
১৫. পুলিশের অনুসন্ধান/যাচাই প্রতিবেদনের উপর মন্তব্য :
১৬. জেলা ম্যাজিস্ট্রেট এর সার্বিক মন্তব্য/ সুপারিশ :

স্বাক্ষর ও সীল
জেলা ম্যাজিস্ট্রেট

১


পরিশিষ্ট-৬

জেলা ম্যাজিস্ট্রেট,

ব্যাংক/আর্থিক প্রতিষ্ঠানের ক্ষেত্রে আগ্নেয়াস্ত্রের (শটগান/.....) জন্য আবেদনপত্র

- ১। প্রতিষ্ঠানের নাম :
- ২। প্রতিষ্ঠানের ঠিকানা :
- ৩। প্রতিষ্ঠান চালু হবার/কার্যক্রম শুরু করার তারিখ :
- ৪। প্রতিষ্ঠানের সিদ্ধক সীমা :
- ৫। প্রতিষ্ঠানের অর্থ পরিবহনের জন্য গাড়ীর সংখ্যা :
- ৬। প্রতিষ্ঠানের মালিক/ নির্বাহী প্রধানের নাম,
বর্তমান ঠিকানা ও স্থায়ী ঠিকানা :
- ৭। প্রতিষ্ঠানের জনবল/অর্গানোগ্রাম :
- ৮। ব্যাংক শাখা/আর্থিক প্রতিষ্ঠান খোলার জন্য বাংলাদেশ
ব্যাংকের অনুমতি পত্র রয়েছে কিনা :
- ৯। আয়কর সংক্রান্ত তথ্যাদির বিস্তারিত বিবরণ :
- ১০। বর্তমানে কিভাবে নিরাপত্তা রক্ষা করা হচ্ছে :
- ১১। ভাড়াকৃত বাড়ির ক্ষেত্রে বাড়ি ভাড়ার চুক্তি পত্র :
- ১২। গার্ডের জীবন বৃত্তান্ত :
- ১৩। গার্ডের অনুকূলে পুলিশ প্রতিবেদন আছে কিনা :
- ১৪। গার্ডের অস্ত্র পরিচালনার সনদপত্র রয়েছে কিনা :
- ১৫। বর্তমানে উক্ত শাখায় কতজন প্রশিক্ষণপ্রাপ্ত
গার্ড কর্মরত আছে :
- ১৬। প্রার্থীত আগ্নেয়াস্ত্রের সংখ্যা ও প্রকৃতি :
- ১৭। প্রার্থীত আগ্নেয়াস্ত্রের প্রয়োজনীয়তার যৌক্তিকতা :
- ১৮। বর্তমানে প্রতিষ্ঠানে যে সকল আগ্নেয়াস্ত্র আছে
তার বিবরণ :

তারিখ:

আবেদনকারীর স্বাক্ষর
সীল মোহর



পরিশিষ্ট-৭

ব্যাংক ও আর্থিক প্রতিষ্ঠানের ক্ষেত্রে আগ্নেয়াস্ত্র লাইসেন্স প্রাপ্তির
জন্য আবেদনের বিষয়ে অনুসন্ধান/যাচাই প্রতিবেদন

১. আবেদনকারী প্রতিষ্ঠানের নাম :
২. প্রতিষ্ঠানের ঠিকানা :
৩. আবেদনকৃত অস্ত্রের আবশ্যিকতা আছে কিনা :
৪. প্রতিষ্ঠানের নামে পূর্বের কোন আগ্নেয়াস্ত্র আছে কিনা :
(সংখ্যাসহ বিস্তারিত বিবরণ)
৫. সিন্ধুক সীমা কত এবং আবেদনে বর্ণিত পরিমাণ সঠিক কিনা :
৬. যে ধরনের অস্ত্রের জন্য আবেদন করা হয়েছে তার বিবরণ :
৭. নিয়োগকৃত গার্ড সংক্রান্ত তথ্য-
 - ক) নাম :
 - খ) মাতার নাম :
 - গ) পিতার নাম ও ঠিকানা :
 - ঘ) জাতীয় পরিচিতি নম্বর :
 - ঙ) অভ্যাসগতভাবে সামাজিক শান্তি-শৃঙ্খলা :
ভঙ্গের সাথে জড়িত থাকার অভিযোগ আছে কিনা
 - চ) কোন মামলার চার্জশীটভুক্ত আসামী কিনা :
 - ছ) কোন মামলায় সাজাপ্রাপ্ত (মেয়াদসহ)/খালাসপ্রাপ্ত কিনা :
 - জ) গার্ডের নামে কোন প্রকার আগ্নেয়াস্ত্রের লাইসেন্স আছে কিনা :
 - ঝ) অস্ত্র পরিচালনা ও রক্ষণাবেক্ষণের ব্যবহারিক জ্ঞান আছে কিনা :
৮. মূল আবেদনপত্রের সঙ্গে সংযুক্ত সকল সার্টিফিকেট সঠিক আছে কিনা এ সম্পর্কিত প্রত্যয়নপত্র :
৯. বিবিধ (আবেদনকারী প্রতিষ্ঠান/গার্ড সম্পর্কে বিবরণ তথ্য আছে কিনা) :
১০. আবেদনকারী প্রতিষ্ঠান ও নিয়োগকৃত গার্ডের সম্পর্কে অফিসার :
ইনচার্জ এর সার্বিক মন্তব্য ও স্বাক্ষর
১১. সংশ্লিষ্ট পুলিশ সুপার, জেলা বিশেষ শাখা এর মন্তব্য ও স্বাক্ষর :

পরিশিষ্ট-৮

ব্যংক ও আর্থিক প্রতিষ্ঠানের ক্ষেত্রে জেলা ম্যাজিস্ট্রেট কর্তৃক আবেদনকারী ও নিয়োগকৃত গার্ডের
সাক্ষাতকার গ্রহণের ফরম

১. আবেদনকারী প্রতিষ্ঠানের নাম ও ঠিকানা :
২. নিয়োগকৃত গার্ডের নাম :
৩. পিতার নাম :
৪. মাতার নাম :
৫. বর্তমান ঠিকানা :
৬. স্থায়ী ঠিকানা :
৭. বয়স :
৮. শিক্ষাগত যোগ্যতা :
৯. নিয়োগকৃত গার্ডের শারীরিক/মানসিক
সক্ষমতা আছে কিনা :
১০. নিয়োগকৃত গার্ডের অস্ত্র পরিচালনা সম্পর্কিত
প্রাথমিক জ্ঞান আছে কিনা :
১১. নিয়োগকৃত গার্ডের আচার-আচরণ সন্তোষজনক :
কিনা :
১২. আবেদনকারীর আগ্নেয়াস্ত্র নিরাপদ হেফাজতে :
সংরক্ষণ করার জ্ঞান ও সক্ষমতা আছে কিনা :
১৩. পুলিশের অনুসন্ধান/যাচাই প্রতিবেদনের উপর মন্তব্য :
১৪. জেলা ম্যাজিস্ট্রেট এর সার্বিক মন্তব্য ও সুপারিশ :

স্বাক্ষর ও সীল
জেলা ম্যাজিস্ট্রেট



পরিশিষ্ট-৯

জেলা ম্যাজিস্ট্রেট.....

প্রতিষ্ঠানের ক্ষেত্রে আগ্নেয়াস্ত্রের জন্য আবেদনপত্র

- ১। প্রতিষ্ঠানের নাম :
- ২। প্রতিষ্ঠানের ধরণ :
- ৩। প্রতিষ্ঠানের ঠিকানা :
- ৪। প্রতিষ্ঠান চালু হবার/কার্যক্রম শুরু করার তারিখ :
- ৫। প্রতিষ্ঠানের জনবল ও অর্গানোগ্রাম :
- ৬। প্রতিষ্ঠানের ট্রেড লাইসেন্স, মেমোরেন্ডাম অব এসোসিয়েশন ও আর্টিকেল অব এসোসিয়েশন আছে কিনা (প্রমাণপত্র সংযুক্ত করতে হবে) :
- ৭। প্রতিষ্ঠানের মালিক/ নির্বাহী প্রধানের নাম, বর্তমান ঠিকানা ও স্থায়ী ঠিকানা :
- ৮। ভাড়া বাড়ির ক্ষেত্রে বাড়ি ভাড়ার চুক্তি পত্র/জমি সংক্রান্ত কাগজপত্র :
- ৯। আয়কর প্রদান সংক্রান্ত তথ্য-
ক) টিআইএন :
খ) আবেদনের বছরের পূর্ববর্তী ৩ কর বছরের আয়করের বিবরণ :
(কর বছর এবং পরিমাণ উল্লেখসহ প্রমাণপত্র সংযুক্ত করতে হবে)
- ১০। বেসরকারি প্রতিষ্ঠানের ক্ষেত্রে পরিশোধিত মূলধনের পরিমাণ :
[১০ (দশ) কোটি টাকা বা তদুর্ধ্ব বিষয়ক প্রমাণপত্র সংযুক্ত করতে হবে]
- ১১। বর্তমানে প্রতিষ্ঠানের নামে কোন আগ্নেয়াস্ত্র আছে কিনা :
- ১২। আগ্নেয়াস্ত্র নিরাপদ হেফাজতে সংরক্ষণ করার ব্যবস্থা ও সক্ষমতা আছে কিনা (বিবরণ) :
- ১৩। আগ্নেয়াস্ত্র প্রশিক্ষণ প্রাপ্ত নিয়োগকৃত গার্ডের সংখ্যা :
- ১৪। গার্ডের অনুকূলে পুলিশ প্রতিবেদন :



- ১৫। গার্ডের জীবন বৃত্তান্ত :
- ১৬। গার্ডের অস্ত্র পরিচালনার সনদপত্র রয়েছে কিনা :
- ১৭। প্রার্থীত আগ্নেয়াস্ত্রের সংখ্যা ও প্রকৃতি :
- ১৮। প্রার্থীত আগ্নেয়াস্ত্রের আবশ্যিকতার পক্ষে যুক্তি :
- ১৯। বর্তমানে যে সকল আগ্নেয়াস্ত্র আছে তার বিবরণ :

তারিখ:

আবেদনকারীর স্বাক্ষর



পরিশিষ্ট-১০

প্রতিষ্ঠানের ক্ষেত্রে আগ্নেয়াস্ত্র লাইসেন্স প্রাপ্তির
জন্য আবেদনের বিষয়ে অনুসন্ধান/যাচাই প্রতিবেদন


১. আবেদনকারী প্রতিষ্ঠানের নাম :
২. প্রতিষ্ঠানের ধরণ :
৩. প্রতিষ্ঠানের ঠিকানা :
৪. প্রতিষ্ঠানের জনবল ও অর্গানোগ্রাম :
৫. আবেদনকৃত অস্ত্রের আবশ্যিকতা আছে কিনা :
৬. প্রতিষ্ঠানের নামে পূর্বের কোন আগ্নেয়াস্ত্র আছে কিনা :
৭. যে ধরণের অস্ত্রের জন্য দরখাস্ত করা হয়েছে তার বিবরণ :
৮. নিয়োগকৃত গার্ড সংক্রান্ত তথ্য
 - ক) নাম :
 - খ) মাতার নাম :
 - গ) পিতার নাম ও ঠিকানা :
 - ঘ) জাতীয় পরিচিতি নম্বর :
 - ঙ) অভ্যাসগতভাবে সামাজিক শান্তি শৃঙ্খলা
ভঙ্গের সাথে জড়িত কিনা :
 - চ) কোন মামলার চার্জশীটভুক্ত আসামী কিনা :
 - ছ) কোন মামলায় সাজাপ্রাপ্ত (মেয়াদসহ)/খালাসপ্রাপ্ত কিনা :
 - জ) গার্ডের নামে কোন প্রকার আগ্নেয়াস্ত্রের লাইসেন্স আছে কিনা :
 - ঝ) অস্ত্র পরিচালনায় ও রক্ষণাবেক্ষণের ব্যবহারিক জ্ঞান আছে কিনা :
৯. মূল আবেদনপত্রের সঙ্গে সংযুক্ত সকল সার্টিফিকেট সঠিক আছে
কিনা এ সম্পর্কিত প্রত্যয়নপত্র। :
১০. বিবিধ (আবেদনকারী/গার্ড সম্পর্কে বিরূপ তথ্য আছে কিনা) :
১১. আগ্নেয়াস্ত্র নিরাপদ হেফাজতে সংরক্ষণ করার
ব্যবস্থা ও সক্ষমতার বিষয়টি সঠিক আছে কিনা :
১২. আবেদনকারী প্রতিষ্ঠান ও নিয়োগকৃত গার্ডের সম্পর্কে অফিসার
ইনচার্জ এর সার্বিক মন্তব্য ও স্বাক্ষর :
১৩. সংশ্লিষ্ট পুলিশ সুপার, জেলা বিশেষ শাখা এর মন্তব্য ও স্বাক্ষর :

পরিশিষ্ট-১১

প্রতিষ্ঠানের ক্ষেত্রে আবেদনকারী ও নিয়োগকৃত গার্ডের জেলা ম্যাজিস্ট্রেট কর্তৃক সাক্ষাতকার গ্রহণের ফরম

১. আবেদনকারী প্রতিষ্ঠানের নাম ও ঠিকানা :
২. আবেদনকারীর নাম ও পদবি
৩. বর্তমান ঠিকানা :
৪. স্থায়ী ঠিকানা
৫. আবেদনপত্রের সঙ্গে সংযুক্ত কাগজপত্র সঠিক আছে কিনা :
৬. নিয়োগকৃত গার্ডের তথ্য-
 - ক) নিয়োগকৃত গার্ডের নাম :
 - খ) পিতার নাম :
 - গ) মাতার নাম :
 - ঘ) বর্তমান ঠিকানা :
 - ঙ) স্থায়ী ঠিকানা :
 - চ) বয়স :
 - ছ) শিক্ষাগত যোগ্যতা :
 - জ) গার্ডের শারীরিক/মানসিক সক্ষমতা আছে কিনা :
 - ঝ) গার্ডের অস্ত্র পরিচালনা সম্পর্কিত প্রাথমিক জ্ঞান আছে কিনা :
 - ঞ) গার্ডের আচর-আচরণ সন্তোষজনক কিনা :
 ৭. পুলিশ অনুসন্ধান/যাচাই প্রতিবেদনের উপর মন্তব্য :
 ৮. জেলা ম্যাজিস্ট্রেট এর সার্বিক মন্তব্য ও সুপারিশ :

স্বাক্ষর ও সীল
জেলা ম্যাজিস্ট্রেট



ঘোষণাপত্র

আমি নিম্নস্বাক্ষরকারী এ মর্মে ঘোষণা করছি যে, আমার অস্ত্র আইন, অস্ত্র নীতিমালা, অস্ত্র ক্রয়, ক্রয়কৃত/আমদানিকৃত অস্ত্র লাইসেন্সে লিপিবদ্ধ করার প্রক্রিয়া, অস্ত্রের ব্যবহার ও রক্ষণাবেক্ষণ সম্পর্কে সুস্পষ্ট ধারণা আছে। আমার নামে আগ্নেয়াস্ত্র লাইসেন্স ইস্যু করা হলে এ সংক্রান্ত আইন ও নীতিমালার সকল বিধি-বিধান এবং সংশ্লিষ্ট অন্যান্য নিয়ম-কানুন মেনে চলতে বাধ্য থাকব। আমি আরও ঘোষণা করছি যে, বর্তমানে আমার নামে কোন আগ্নেয়াস্ত্র লাইসেন্স নেই/আমার নামেটি.....আগ্নেয়াস্ত্র রয়েছে যার লাইসেন্স নং.....। এ ছাড়া আমার নামে অন্য কোন আগ্নেয়াস্ত্র লাইসেন্স নেই।

তারিখঃ

স্বাক্ষর
(আবেদনকারীর নাম)

